

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Eivsdem Evsebii Cognomento Pamphili, Episcopi Caesariae Palaestinae,
De vita sanctissimi Imperatoris Constantini, Liber tertius.

urn:nbn:de:hbz:466:1-29861

263

EIVSDEM EV-

SEBII COGNOMENTO

PAMPHILI, EPISCOPI CAE-
sariæ Palæstinæ, De vita san-
ctissimi Imperatoris Con-
stantini, Liber
tertius.

Comparatio Constantini pietatis, & flagitii persequu-
torum. CAP. I.



Vemadmodum probitatis hostis, Dæmon, graui in prosperum ecclesiæ sta-
tum exardescens inuidia, tempore
pacis & lætitiae, seditionis procellas,
& tumultus intestinos, contra illum
excitauit: sic imperator Deo charus,
Constantinus, ea quæ ad suum specta-
bant officium minime neglexit, sed
omnia contraria his, quæ antea erant à tyrannica crude-
litate admissa, instituit, & quenque ecclesiæ hostem ini-
micumque facile deuicit. Atque ut illi, qui à vero Deo
abscesserant, homines ad deos, qui non sunt, colendos
variis necessitatis viis coegerunt: ita hic cum & re, & ver-
bo eos non deos coarguisset, ad eum, qui solus Deus est,
agnoscendum cohortatus est. Quinetiam illi, contume-
liosis & maledicis verbis Christum Dei deridere non
sunt veriti: hic in eximio passionis trophæo mire gloria-
tus est: quod licet impii maximis grauissimisque conui-
ciis afficere studerent, iste tamen salutis propugnaculum
esse, illud ipsum agnouit. Illi Christi famulos, domiciliis
& laribus orbatis, in exilium eiicere: hic eos omnes do-
mum reuocare, & propriis sedibus restituere. Illi eos ig-
Li nominis

EVSEBII DE VITA

nominiis appetere: hic honoratos & in omnium con-
spectu illustres reddere. Illi piis viris vitam eripientes,
iniquè eorum bona publicare: hic illos plurimis mune-
ribus benignè & liberaliter excipiens, ad pristinum
statum reducere. Illi per scripta decreta palam con-
tra ecclesiarum praesides diuulgata, falsis calumniis, eos
obiectare: hic contrà viros eosdem ad gloriam effer-
re, apud se ad altum dignitatis gradum tollere, & edi-
ctis, ac legibus multo chariores efficere. Illi sacras
ædes precibus destinatas funditus euertere, easque è
sublimi delectas, solo æquare: hic tum eas, quæ supere-
rant, altius erigere, tum nouas, sumptu ex ipsis regis
thesauris suppeditato, magnifice extruendas fancire.
Illi mandare, ut libri diuinitus inspirati, in ignem in-
iecti, penitus delerentur: hic vt iudicem ex æratio re-
gio, & ornarentur magnifice, & numero augeren-
tur, decernere. Illi iubere ne Episcopi vsquam con-
ventus cogere aggrederentur: hic eos ex omnibus
gentibus ad se conuocare, intromittere in pala-
tium, sinere in intimas eius partes penetrare; & la-
ris sui, mensque regalis compotes esse. Illi dæmo-
nes monumentis & imaginibus honorare: hic eorum
fraudem patefacere, & materiam, ex qua erant illo-
rum simulachra conflata, male & inutiliter collocata,
his qui ea rectius norunt vti, distribuere. Illi delubra
dæmonibus magnifice ornare iussérunt: hic eadem
ipsa suis quibus nitebantur fundamentis deturbare, il-
laque maximè, quæ apud superstitiones erant maximi
æstimata. Illi Dei seruos fœdis addicere suppliciis:
hic eos, qui hæc patrassent, persequio pœnaque debita
Dei ope inflcta, ad meliorem mentem traducere.
Sanctorum Dei martyrum memoriam hic etiam co-
lere non destitit: Illi piis viros ex ædibus regis
exigere: hic iisdem ipsis maximè fretus, eos prater
cæteros sibi & benevolentiores & fideliores esse pro-
 certo persuasum habuit: Illi pecunia vitti, animum
Tantalicæ cupiditati in seruitutem dare: hic regali ma-
gnificentia omnes thesauros referans, liberali & ma-
gnifica

gnifica largitione eosdem dispertire : Illi infinitas cædes facere , quo facultates interemperorum rapinæ & publicationi patarent: sed toto illo tempore , quo regnabat Constantinus , dum populus cuiusque nationis , & ciues paternis potius gubernati legibus , quam necessitate adducti parebant , gladius quisque , quo iudicium sententia supplicium de maleficiis sumi solet , otiosus suspensus fuit . In quas quidem res oculis coniectis , dixerit aliquis meritò nouum quendam & inusitatum mundi statum modo apparuisse , insolito quodam lucis splendore , velut post crassam caliginem , mortali hominum generi elucente : fatendumque vniuersum hoc opus ipsius Dei esse , qui imperatorem tam pium , impiorum multitudini aduersarium opposuerit.

De Constantini pietate palam crucis insigne profitentis.

CAP. II.

CVm enim tales essent hi quorum similes non alii quando visi fuerunt , & talia facinora contra ecclesiam ederent , qualia ex omni seculorum memoria non sunt audita , Deus non sine causa principem quendam admirabilem in lucem extulit : cuius opera ea , quæ nec percepta auribus , nec sub oculorum aspectum subiecta fuerint , effecit . Hic imperator virtute tam eximius , ex Dei sapientia mortali hominum generi donatus fuit , tanquam res quædam peregrina , quæ homines in admirationem trudiceret . Hic enim Christum Dei libero ore & sermone in omnes diuulgauit : neque salutarem eam appellationem , quam obtinuerat , erubuit , sed ipsa professione gloriatus , se in luce & omnium oculis collocavit : atque interdum vultum salutari illa passionis signauit nota : nonnunquam trophyo illo victorioso plurimum se extulit.

Ll 2 De

EVSEBII DE VITA

De imagine Constantini, supra cuius caput crux, sub pedibus
verò confosus draco fuit erat.

CAP. III.

QVINETIAM IN TABULA DEPICTA, QUAM IN SUBLIMI ANTE PALATII VESTIBULA SUSPENDERAT, SE OMNIUM OOCULIS CONTEMPLANDUM PROPOSUIT, SALUTAREQUE PASSIONIS INSIGNE SUPRA CAPUT IPSIUS LOCATUM IN PICTURA EXPRIMENDUM: INIMICAM AUTEMILLAM & HOSTILEM BELLUAM, QUAE ECCLESIAM DEI, IMPIORUM TYRANNIDE OPPUGNASSET, IN ALBUM DEMERSAM, DRACONIS SPECIE & FIGURA DESCRIBENDAM CURAVIT. SACRA ENIM ORACULA IN DEI PROPHETARUM LIBRIS EUM DRACONEM, & TORTUOSUM SERPENTEM NUNCUPANT. ET PROPTEREA IMPERATOR, QUOD OCCULTUM HUMANI GENERIS HOSTEM DIABOLUM (QUEM IPSIUS SALUTARIS TROPHÆI CAPTI EIUS IMMINENTIS VIRTUTE AD EXTREMUM EXITUM PROLAPSUM SIGNIFICAVIT) TUM SUB SUIS, TUM SUORUM PEDIBUS CONCULCATUM PERSPICUÈ INDICARET, DRACONEM MEDIO VENIRE TRANSFIXUM, & IN PROFUNDOS MARIS FLUCTUS PRÆCIPITATUM, SUBTILI & ARTIFICIOSA PICTURA SUB OMNIUM ASPECTU AD CONTEMPLANDUM SUBIECIT. ATQUE ISTÆ QUIDEM RES IN IMAGINE SCITÈ DEPICTA, VARIIS COLORUM FLOSCULIS SIGNIFICABANTUR. Vnde permagna de imperatoris ACUMINE & SOLERTIA ME CEPIT ADMIRATIO, QUO modo, DIUINO AFFLATU PULSUS, EADE IPSA FIGURAVIT, QUAE VOCIBUS PROPHETARÙ ITA DE ISTA BEL LUA PRONUNTIANTR: DEÙ GLADIUM INGENTE & TERRIBILE CONTRA DRACONEM & SERPENTEM FUGIENTEM ILLATURUM, & DRACONEM IN MARI INTERFECTURUM. ISTARUM RERUM Igitur, IMAGINES IMPERATOR FORMAUIT, VOCES ILLAS PROPHETARUM AD UMBRATIONE QUADAM IMITATUS.

De questionibus propter Arium in AEGYPTO excitatis.

CAP. IIII.

QVIBUS EX REBUS AD EXITUM PERDUCTIS, LICET NON PA-
RUM CÄPERIT VOLUNTATIS, TAMEN INUIDIÆ FLAMMA QUÆ
ECCLESIAM ALEXANDRINAM GRAUITER CONTURBABAT, &
PESTIFERUM SCHISMA, QUOD INTER THEBANOS & AEGYPTIOS
VERSABATUR, IPSIUS ANIMUM NON PARUM COMMOUIT: QUIPPE
IN SINGULIS CIUITATIBUS EPISCOPI CUM EPISCOPIS DISSIDERE,
& POPULUS

& populus contra populum tumultus ciere, & imperio quodam repentino, instar symplegadum, & mutuis pugnis se ipse concidere cœpit: vsque eo ut animis insanis ac desperatis impia scelera aggredi, & imperatoris imagines contumelia afficere non dubitarent. Verum imperatorem non tam ad iram, quam ad immensam animi aegritudinem, qua furiosorum amentiam supra modum deplorauit, incitarunt.

De dissensione propter Paschæ celebrationem.

CAP. V.

MOrbus porro alias longe grauissimus istas res aegressus est, qui longo tempore ecclesiæ multum exhabuerit molem, dissensionem dico de salutari Paschatis festo ortam: etenim alii Iudeorum ritum sequendum assertuerunt alii temporis quidem articulum in eo festo celebrando accurate obseruandum esse, non ramen imitandam consuetudinem eorum, qui errore cæciti, alieni à gratia Euangelica esse viderentur. In hac igitur controuersia, eum prolixo iam temporis spatio populus ubique admodum dissenserit, diuinæque leges & instituta confusione quadam essent permista, ita ut temporis in uno eodemque festo obseruando varietas & discrepantia, maximâ discordiâ, Paschatis solennitaté celebrantibus excitaret (quippe eodè tempore alii ieuniis, & corporis afflictione se exercebat, nonnulli se tradebat otio & remissione animorū) quanquam nemo certè erat, qui huic malo remedium inuenire potuerit, præsertim cum cōtentio dissidētiū animos ex æquo exagitaret, Deo tamē, qui omnia potest, ipsis rebus mederi erat perfacile. Ex hominibus autem, qui adhuc in terris ætatem degebant, solus restare videbatur Constantinus, qui rectè factis sedulo operam daret: qui quidem, simul utique rerum istorum commemoratarum fama ad ipsius aures permanauit, intellexitque, literas ad Alexandrinos à se missas nihil habuisse ponderis, nouum consilium animo cœpit agitare, inquiens alio prælio contra occultum illum & clan destinum hostem, ecclesiæ statum perturbantem de integrō decertandum.

Ll 3 . . . *Quomodo*

EVSEBII DE VITA

Quomodo Concilium Nicæa cogendum imperauerat.

CAP. VI.

DEincepis igitur concilium generale, tanquam quendam dei exercitū instruens, in unum locum coegerit: & Episcopos vndeque per literas honorifice scriptas, ut eō maturarent, acciuit. Neque mandatum duntaxat erat ad hanc rem datum, sed in ea peragenda multum attulit subsidiū authoritas imperatoris ac nutus: qui nonnullis fecit potestatem, equis publicē ad iter celeriter conficiendum dispositis utendi: aliis permagnū iumentorum instrutorum, quibus veherentur, numerum suppeditauit. Ciuitas autem Bythiniæ, quæ Nicæa anno T̄HS VIKHS id est à victoria nomen traxit, concilio celebrando admodum idonea, designata fuit. Vbi autem edictum in quaque prouincia diuulgatum erat, omnes summa cum animorum alacritate, tanquam è carcerebus ad cursum emissi, properè aduolarunt. Nam bonorum spes ipsorum mentibus iniecta, vel potius pacis fruendæ potestas, & noui ac peregrini cuiusdam miraculi spectaculum, quod in tanti imperatoris vultu ostendebatur, eos allexit plurimum. Postquam autem omnes in unum conuenerunt, opus illud diuina prouidentia facilitatum, pro certo iam intellectum fuit. Nam non solum, qui animorum dissensione erant, sed etiam qui corporibus, regionibus, locis, gentibus longissime disiuncti, unum in locum aggregati sunt. Atque una ciuitas eos omnes, tanquam maximam sacerdotum coronam, ex multiplici nitidorum flosculorum varietate contextam exceperit.

De uniuersali concilio, ad quod ex omnibus orbis partibus Episcopi confluxerunt.

CAP. VII.

EX omnibus nanque ecclesiis, quæ frequentes in tota Europa, Africa, & Asia extiterunt, Dei ministri, qui facile primas ferre putabantur, in unum conuocati,

cati. Templum etiam Nicææ, velut Dei nutu amplificatum intra parietes suos Syros pariter & Cilices, Poenices, Arabes, & Palæstinos, Aegyptios porro, Thebaeos, Afros, aliosque ex Mesopotamia profectos recepit.

Aderat etiam vna in concilio Persidis Episcopus: nec ab hoc choro Scytha absuit. Pontus item, Galatia, Pamphilia, Cappadocia, Asia, & Phrygia, viros apud se lectissimos suppeditarunt. Quinetiani Thrases, Macedones, Achæi, Epirotæ, & quorum domicilia multo longiore locorum interuallo distabant, eò aduentarunt. Ex ipsis Hispanis unus nominis & famæ celebritate insignis, cum aliis multis in confessu illo adfuit. Et quamquam urbis illius penes quam imperium est, episcopus, ingrauescente ætate præditus, absuit, eius tamen præsbyteri qui aderant, illius locum suppleuerunt. Talem Coronam solum ex omni præteritæ ætatis memoria unus imperator Constantinus, pacis vinculo ad Christi gloriam devinxit, & quo seruatori suo gratias ageret, istud eximium victorix ab hostibus & inimicis partæ monumen-
tum obtulit, effigie Chori Apostolici pulchre in hoc no-
stro conuentu expressa.

*Quomodo secundum id quod in actis Apostolorum traditur
variae gentes ad concilium profectæ sunt.*

CAP. VIII.

NAm dicitur in sacris literis, illorum temporibus vi- Act. 2.⁷
ros pios ex omni natione, quæ sub cœlo est, in v-
num conuenisse. Inter quos erant Parthi, Medi,
Elamitæ, & qui incolunt Mesopotamiam, Iudæam, &
Cappadociam, Pontum & Asiam, Phrygiā & Pamphi-
liam, Aegyptum & partes Lybiæ, quæ est circa Cyrenam,
& aduenæ Romani, Iudæi & Proseltæ, Cretes
& Arabes. Verum illis hoc defuit, quod non om-
nes, qui eò venerunt, ex Dei ministrorum numero ca-
ravit illi quidem.

EVSEBII DE VITA

De virtute etateque ducentorum quinquaginta episcoporum. C A P. IX.

Sed in hoc præsenti choro fuit Episcoporum multitudine, ad numerum ducentorum quinquaginta & amplius: præsbyterorum autem, diaconorum, ac colonorum, & aliorum qui istos comitabantur turba, ne enumerari quidem potest. Atque ex his Dei ministris, alii prudenter & disertè dicendo, alii vitæ grauitate, & constanti rerum arduarum perpessione, nonnulli quasi media inter istos interiecta viuendi consuetudine eximii, præclara laudis insignia adepti sunt. Erant inter hos etiam non pauci, qui propter longinquum temporis spatium, quo viixerant, multum honorati fuerunt: multi, qui in ipso ætatis flore propter ingeniorum acumen, magnum splendorem sunt consecuti. Quidam modo in ministerii quasi cursum ingressi. Quibus quidem omnibus cibaria in singulos dies imperator large & liberaliter expeditari mandauit.

Consilium in palatio celebratur, quo Constantinus ingresus una cum episcopis confidebat.

C A P. X.

Die autem concilio, quo res in controversiam vocatae dirimerentur, præstituta, singuli parati erant in ipsa media regalis palatii aula, quæ amplitudine cæteris facile præstabat, illud celebratur: ac compluribus sedibus in utroque aulæ latere, ordine dispositis, qui erant accersiti, intus præsto fuerunt: & sedem, quæ quenque decebat, capiebat quisque. Atque cum uniuersus ministrorum Dei conuentus decenti ordine collocatus esset, propter imperatoris aduentum, qui iam erat in expectatione, omnibus fuit silentium. Ac primum unus ex principis familia, deinde alter ac tertius ingreditur. Imperatorem antecedunt alii, non ex armatis & satellitibus, qui ei adesse consueissent, sed ex amicis solum, qui Christi fidem amplexarentur. Signo vero dato, quod imperatoris introrūtum

introitum indicabat, consurrexisse omnes dicuntur: imperator deinde tanquam quidam cœlestis Dei angelus, purpureo vestitu & nitido, velut claro luminis fulgore splendescens, coruscantibusque illius radiis illustratus, & conspicuo auri, lapidumque pretiosorum nitore pulchrè adornatus, per medium confessum intrat. Atque hæc sunt, quæ ad corporis decus spectat. Quod autem ad animum attinet, eum timore Dei, & vera pietate insigniter decoratum constat: quas quidē res, oculi demissi, vultus pudor, & incessus moderatio satis indicabant. Quinetiam reliqua formæ species, & proceritas tum pulchritudinis excellentia, tū magnifica rotius corporis cōformatione, tū inuicti roboris firmitate eximia, facile omnē omniū suorum præstatiā superauit. Quæ certè cum morū modestia, & mansuetudinis verè regiæ suavitate temperata, singularem mentis indolem, quæ nulla dicendi facultate explicari potest, declarabant. Simul ac vero ad summum locum venit, primum in medio cōuentu erectus constituit: ac cum parua quædā sella ex auro fabricata illi esset loco posita, non prius confedit, quam episcopi ad id innuissent. Idemque omnes {post imperatorem factitarunt.

Silentium concilii, postquam Eusebius episcopus pauca quædam dixisset.

CAP. XI.

Episcopus autem, qui in dextro ordine primam sedē occupabat, assurgens, per breui oratione imperatorem affatus est: Hymnumq; quo deo omnipotenti pro illo gratias ageret, recitauit. Postquam ille assederat, omnibus aciem oculorum in imperatorem acriter intentibus, silentium factum est. Imperator vero primū alacri obtutu & placido oculos in omnes coniiciens, suæque ipsius mentis & ingenii vires colligens, sedata ac leni voce, hoc modo apud eos dicere ingressus est.

Constantini oratio ad concilium pro concordia.

CAP. XII.

Quoniam mihi admodum in optatis fuit, amici charif simi, isto vestro confessu aliquando frui, iam eo portitus,

L 15 titus,

EVSEBII DE VITA

titus, regi & moderatori omnium Deo ideo gratias me agere debere fateor, quod mihi præter cæteros largitus est, vt istud quod omnibus sicut bonis antecellit, nempe vos in vnum conuocatos, vnamq; omnium & consentientem esse voluntatem, oculis tandem aspiciam. Nolite igitur pati, vt vlla inuidie tempestas nostris rebus prosperis inimica, istud bonum labifactet: neq; cum Tyrannorum dimicatio contra Deum suscepta, iam Dei seruatoris virtute profligata sit, vt denuo perditus damon diuinam Christi disciplinam & religionem malevolorum obtestationibus lacerandam obiiciat: quandoquidem intestina seditio in ecclesia Dei conflata, multo plus molestiarum & acerbitatis, quam quoduis bellum pugnaue, videtur mihi in se complecti. Atq; istæ res ad animum spectantes, longe plus quam quæ ad corpus pertinent, doloris afferre videntur. Cum igitur Dei opt. max. nutu & auxilio adiutus, victoriæ ab hostibus reportasse, nihilque amplius mihi reliquum esse putarem, quam ut tum Deo gratias agerem, tum vna cum his, qui (Deo opem ferente) per me essent in libertatem vindicati, communem lætitiam animo perciperem, vt primum dissentio vestra ad aures meas præter omnem spem peruenit, rumorem illum de ea allatum non plane negligebam, sed optans in primis, vt huic rei mea opera & sedulitate remedium inueniretur, omnes vos absque mora accersebam. Ac tametsi lætor equidem vehementer, cum iam vestrum confessum intueor: tunc tamen arbitrorm rem maxime ex animi sententia gessisse, vbi omnes vos animorum coniunctione colligatos, & vnam eamq; communem inter omnes, & tranquillam concordiam (quam quidem vos, cum fitis deo consecrati, aliis etiam à Deo impetrare consentaneum est) vigere florereque intellezero. Itaque ne vlla sit quæso in vobis mora, o charissimi: ne grauemini o sancti dei ministri, & spectati communis omnium nostri domini ac seruatoris famuli, ne grauemini, inquam, deinceps causas dissensionis inter vos graffantis iam penitus tollere, primoque omnium operam detis, vt omnia vincula, quibus constricta tenetur controuersia, pacis legibus omnino dissoluantur. Sic enim

enim estis & Deo omnium gubernatori rem gratiam facili-
turi, & mihi vestro in domino conseruo maximum pre-
staturi beneficium.

Quomodo disordantes episcopos ad concordiam traduxerit,

*& quod de fide & pasche celebratione eadem fuit
concilii sententia. CAP. XIII.*

Hec ista latino sermone, altero eadē interpretante locutus, sermonem omnem deinceps concilii praefidibus concessit. Ibi tum alii vicinos accusare cœperunt: alii & pro se respondere, & crimen in aduersarios deriuare. Cū igitur multa essent ex vtraque parte proposita, magnaqué controuersia in ipso disputationis ingressu concitata, imperator toleranter ac placidè omnibus animum attendere, studio acri prolatas sententias sensim excipere: vicissim ferre opem vtricq; disceptantium parti: eos magna cum cōtentione digladiātes paulatim reconciliare: conferre cum singulis comiter & benignè sermonem: Græce (nam ne huius quidem linguae ignarus fuit) quid ipse sentiret eloqui. Suavis fuit, & dulcis, dum aliis persuadere, alias sermone lenire, alias qui diserte dixissent, collaudare, omnes denique ad concordiam reducere contendebat: vsque eò ut tandem eos in omnibus rebus, quæ in quæstionem aliquam venissent, tum conspirantes animis, tum opinionibus adeo consentientes redderet, vt non modo concors fides inter eos vigeret, sed etiam vnum idemque tempus in salutari festo Paschatis celebrando obseruandum ab omnibus concederetur. Iam vero, quæ erant communi omnium sententia decreta, cuiusque manu subscripta fuerunt, & in comentarios relata.

Quomodo Constantinus episcopis epulum, cui ipse quoque interfuit, exhibuerit, cum iam vigesimus administrati ab eo imperii annus transactus esset.

CAP. XIV.

Quibus ad exitum perductis, secundam istam victoriā imperator se contra ecclesiæ hostem consecutum affirmauit, & propterera festum triumphale ad Deū

EVSEBII DE VITA

ad Dei honorem illustrandum egit. Eodem tempore vige-
simus eius regni annus completus est: in quo conuentus
celebres etiam apud reliquas gentes agitabantur. Inter
Dei ministros iam pace conciliata, ipse Imperator con-
vium celebrare coepit, & hoc tanquam sacrificium Deo
valde accommodatum per illorum presentiam obtulit;
neque quisquam ex episcoporum numero, ab illo regali
epulo absuit. Istud porro, quod ibi factum est, omnem
dicendi facultatem superat. Satellites enim armati, distri-
ctis gladiis, unde regiae vestibula obseruabant: per
quorum medium turbam sancti Dei homines absque for-
midine ingressi sunt, & ad interiores palatij aedes perre-
xerunt. Ex quibus alii deinde una cum Imperatore ac-
cubere: pars propè valvas triclinij utrinque assidere.
Regni Christi festigiem in ea re adumbrari videbatur:
quam rem somnij similius, quam rei gestae, aliquis existi-
mare poterit.

*Munera presentibus Episcopis dedit, & ad
absentes omnes literas.*

CAP. XV.

Vbi autem communium magno cum splendore venit
ad exitum, illud praetera, quod omnes magnificen-
tius & liberalius exciperetur accessit, quisque nimi-
sum pro dignitate munieribus honorifice donatus fuit.
De hoc porro concilio Imperator illos etiam, qui ei neuti
quam interfuerint, certiores fecit per literas: quas qui-
dem in hanc nostram historiam, tanquam in columellam
quandam inscribam: quae ita se habent.

Constantinus Augustus Ecclesiis s.

*Literæ Constantini ad Ecclesias de habita Ni-
cæ Synodo C. A. P. XVI.*

Cum ex florenti & prospero Reip. statu, quantas sit,
diuini numinis erga nos benignitas, compertum ha-
berem, istud maxime omniū mente circumspicien-
dum putauī, ut in sanctissima catholicæ ecclesiæ multi-
tudine, una fides, sincera charitas, & consentiens erga
Deum omnipotentem religionis cultus seruaretur. Ve-
rum quoniam istud haud poterat in loco tuto firmoque,
colloq.

, collocari, nisi vel omnes Episcopi, vel maxima eorum pars
, in unum conuenisset, singuli que iudicium de rebus ad sa-
, cratissimam religionem pertinentibus interposuissent,
, eam ob causam, cum cœtus, quantum fieri poterat, maxi-
, mus coactus esset, ipse tanquam unus è vestrum nume-
, ro (non enim recusabam, ex qua re iam maximam capio
, lætitiam, me vobis in eo ministerio cōiungere) præ-
, sto una adfui. Atque usque eo de omnibus rebus accu-
, ratè quæsum est, quoad sententia Deo omnium contem-
, platori gratia acceptaque; propter concordiam & animo-
, rum consensum palam pronuntiata esset: sic ut nihil, quod
, vel ad discordiam, vel ad fidei controuersiam spectaret,
, omnino in posterum reliquum fieret.

Eiusdem de Paschatis celebrandi consentione

& aduersus Iudeos.

CAP. XVII.

Vbi cum de sanctissimo festo Paschalis disceptare-
, tur, communis omnium sententia videbatur rectum
, esse, ut omnes ubique uno eodemque die illud ce-
, lebarent. Quid enim præstabilius, quidve augustius
, esse poterat, quam ut hoc festum, per quod spem immor-
, talitatis nobis ostentaram habemus, uno modo & ratio-
, ne apud omnes integrè sincereque obseruaretur. Ac
, primum omnium indignum plane videbatur, ut ritum &
, consuetudinem imitantes Iudeorum, (qui quoniam suas
, ipsorum manus immani scelere polluerunt, merito, ut
, scelestos decet, cœco animorum errore tenentur irretiti)
, istud festum sanctissimum ageremus. Est enim nostra-
, rum partium, ut illorum more reiecto, veriore ac magis
, sincero instituto (quod quidem usque à prima passio-
, nis Die hactenus recoluimus) huius festi celebrationem
, ad posterorum seculorum memoriam propagemus. Ni-
, hil igitur sit nobis commune cum Iudeorum turba, om-
, nium odiosa maxime. Aliam domini viam, quam insista-
, mus, à seruatore didicimus. Proponitur namque sanctif-
, simus nostræ religiōni cursus quidē & legitimus, & deco-
, rus. Hunc igitur cōsentientibus animis mordicus tenen-
tes

EVSEBII DE VITA

res fratres honoratissimi, ab illa detestabili Iudeorū opione nos ipsos remoueamus. Est enim reuera absurdissimum, vt illi insolenter se iacent, nos absque ipsorum disciplinæ subsidio, istas res nullo modo posse obseruare. Quid tandem est, de quo illi recte sentire queant, qui post necem domino illataam, post parricidium illud nefandum, ex mentis statu deturbati, non ratione vlla, sed temerario animorum impetu, quo cunque insita ipsis & innata insanitia rapiat, feruntur? Hinc etiā existit, quod ne in hac quidem parte veritatē perspiciant: quippe præ errore extra exquisitam temporis in hoc festo celebrando obseruationem longissime euagati, eodem anno alterū pascha celebrant. Proinde quid est, cur istos imitemur, quos constat graui erroris morbo laborare? Eodem namq; anno idem festum bis recolendum non permettemus. Verum quāmuis ista non à me fuissent proposita, tamen vestræ solertiæ esset, cū diligentia adhibere, tum semper optare, vt nulla vobis aliquando detur occasio vestrorum animorum integritatem, nequam hominum moribus admiscendi. Ex his item illud potest intelligi, nefas esse, vti in tanto & tam solenni religionis nostræ festo regnaret dissensio. Vnū enim libertatis nostræ diem festum, hoc est sanctissimæ passionis, servator noster nobis tradidit, vnamque ecclesiam catholicam esse, voluit. Cuius quidem membra tametsi in multa & varia loca dispersa sint, tamen uno spiritu, hoc est diuina voluntate & nutu coalescunt. Vestræ igitur sanctitatis prudenter accuratè secum consideret, quām graue, imo vero quām indecorum sit, vt iisdem diebus alii ieuniis vacent, alii agitent coniuicia: ac post dies Paschatis, alii, in festis & animorū remissione versentur, alii præscriptis ieuniis se dedant. Quapropter istud rectius institendum est, & ad vnam normam redigendum. Hoc enim, (sicut omnes vos satis animaduertere existimo) diuina prouidentia vult.

Hortatio ad sequendum id quod maxima pars orbis comprobet. C. A. P. XVIII.

Et quo:

ET quoniam istud erat ita via & ratione gerendū, ut
 nihil nobis cum consuetudine parricidarum, & illo-
 rū, qui necis domini authores exciterūt, sit cōmune,
 & modus ille eximius decorusque seruandus sit, quem
 omnes ecclesiæ seruant, quæ orbis partes vel versus oc-
 cidentem, vel versus meridiem, vel versus septentrionem
 sitas incolunt, ac nonnullæ quoque quæ in locis ad ori-
 entem spectantibus habitant, idcirco omnes in præsen-
 tia, hoc rectè se habere arbitrati sunt. Ipseque etiam in
 me recepi, vestram sapientiam facile assensuram, vos vi-
 delicet quod in vrbe Roma, in Italia, in Afrīca, in Ae-
 gypto, in Hispania, Gallia & Britannia, in Libya, & vni-
 uersa Græcia, in diœcesi Asiatica & Pontica, in Cilicia
 denique, vna & consentiente sententia conseruatur,
 hoc etiam vestra prudentia lubentes approbaturos: al-
 lud sedulo reputantes, non solum quod in locis, quæ
 modo citauit, maior ecclesiarum numerus existat, sed
 etiam quod sanctissimum institutum sit, ut omnes com-
 muni consilio id ratum cupiant, quod recta ratio poslu-
 lare videtur, quodque nihil cum Iudæorum periuio
 habet commercii. Verum ut summam rei breuiter com-
 plectar, visum est communi omnium iudicio sacratissi-
 mum Paschatis festum, uno eodemque die celebrandum
 esse. Neque enim de re tam sancta ac solenni vlla dissen-
 sio debet existere: imo vero hanc sequi sententiam,
 cui nullus à fide alienus error, nullum vitium ad-
 mistum sit, multo maximam habet commendationem.
 Quæ cum ita se habeant, libentibus animis hoc de-
 cretum, tanquam donum Dei & mandatum reuera-
 cœlitus demissum amplexamini. Nam quicquid in
 sanctis episcoporum conciliis decernitur, id vniuer-
 sum diuinæ voluntati debet attribui. Quamobrem
 vos, vbi omnibus dilectis nostris fratribus res in
 hoc concilio gestas, sententiam iam decretam, &
 sanctissimi festi obseruandi modum denuntiaueritis,
 eadem ipsi approbare, iusteque disponere debetis,
 ut simulatque vestram rectam omnium rerum dispen-
 sationem, iam pridem à me desyderatain, me plane
 perspi-

EVSEBII DE VITA

perspicere contigerit, vno eodemque die vobiscum una
iacrosanctum festum recolere possim, & simul omnium
causa permagnâ animo capiam voluptatem, quod qui-
dem fiet cum intellectero, & diabolicam crudelitatem, di-
uina virtute opem ferente, per vestra recte facta prorsus
profligatam esse, & fidem nostram pace & concordia co-
ciliata ubique egregie florere. Deus vos fratres charissi-
meruet incolumes.

Hortatio ut decretis Synodi omnes obsequantur.

CAP. XIX.

EDICTUM, quod idem pondus habebat & autorita-
tem, cum hac epistola imperator in singulas misit
prouincias, suæque erga Deum piæ mentis integri-
tatem illud legentibus, exquisitè intuendi dedit facul-
tatem.

*Consulit discessuris episcopis, ut mutuum concordiam
conseruent.* CAP. XX.

DE cætero autem, vbi concilium erat dimittendum,
sermonem apud episcopos de rebus ordine dispen-
sandis instituit. Omnibus igitur vno eodemq; die
in vnum conuocatis, eos, cum adessent, admonuit sedu-
lo, ut pacis inter ipsos mutuò colenda diligentem curâ
adhiberent, & contentiosas lites auerterent: & si quisquâ
inter illos ex sapientia præstantia multum laudis adeptus
fuisset, nulla in illum flagrarét inuidia, sed virtutis vnius,
bonum commune esse censerent: qui autem præstabilio-
res viderentur, non aduersum tenuiores se insolenter
efferrent. Nam qui, inquit, reuera sint bonitate superio-
res, diuini numinis est decernere. Dixit porro oportere
eos propter animi lenitatem & indulgentiam se inferio-
rum imbecillitati submittere: rarum esse illud, quod sit
expletum omnibus suis numeris & partibus: & propterea
inter ipsos iis, qui leuiter peccant, veniam debere tribu-
ere, benigne gratificari, & quæ humanæ sunt fragilitatis,
condonare: concordem animorum consensum in primis
colere, ne ipsis inter se concertantes, illis, qui ad obtre-
standum verbo Dei parati sunt, ansam eidem illudendi

præ-

præberent. Quam rem omniū maxime præcaueri deberes posse autem facile præcaueri, dummodo quæ apud nos sunt, illis admiratione digna videantur. Neque cuiquam nostrum obscurum esse, vtilitatem quę ex sacris literis capit, non omnibus conferre solere. Alios enim delitiis ad tempus oblectari: nonnullos in eorum familiaritatem, qui aliquem dignitatis gradū adepti sunt, se callide insinuare: complures, eos qui humanitus & benigne ipsos excipiunt, amplexari: multos muneribus donatos, ad diligendum impelli: sed paucos admodum veræ doctrinæ amore flagrare: & amicum veritatis perraro repetiri. Quare omnibus esse imprimis consentaneum, vt ea quæ ad salutem vtilia sunt, quisque alteri, instar medici, suppeditet, ad eum plane finem, vt apud omnes omnino salutaris disciplina magno in honore habeatur. Ista, cum primis adhortatus est imperator. Ad extremum etiam illud adiecit, vt pro ipso ad deum preces obnoxè fundarent. Cum igitur his præceptis eos instruxisset, omnibus fecit potestatem ad sua domicilia reuertendi. Illi lætitia gestientes, redierunt. Ad hunc modum, cum illi qui propter dissentientes opiniones longo quasi interuallo ab se mutuo diuulsi erant, tanquam in vnum corpus es- sent denuo coagmentati, deinceps vna apud omnes viguit sententia, ipsius imperatoris consensu confir- matæ.

*Quomodo literas dederit ad eos qui ad concilium
non conuenerant, & de pecuniarum in
populum largitione.*

CAP. XXI.

PRoinde imperator de prospero rei euentu latus, il- lis qui concilio neutiquam interfuerint per literas fructum eiusdem vberem præbuit: populoque uni- uerso cum per agros, tum per ciuitates disperso, ingen- tem pecuniæ vim, distribui mandauit: sicque festum diem ad recolendam vigesimi anni regni sui memoriam celebratum cohonestauit.

M m

Rome



EVSEBII DE VITA

Litterae eius ad Aegyptios & hortatio, ut ad concordiam
redeant. CAP. XXII.

Verum cum iam inter omnes pax esset conciliata, so-
los Aegyptios seditiosa contentio, mutuo inter i-
psos distraxit, ita ut imperatori de integro nonni-
hil negotii faceſſerent illi quidem: sed tamen bilem ei
minime commouerent: quippe eos ut patres, immo vero
ut Dei prophetas, omnino honorifice reuerens, illos se-
cundo accersere dignatus est seruſus non inuitum, tan-
quam arbitrum, eorum controvēſiis interponere: illis
iterum munera honorificè impertire: arbitrium suum &
ſententiam per epistolam significare, & concilii decre-
ta ſuo ſigillo rata facere. Hortari etiam, ut concordia
adhærēcerent, ut non distraherent ecclesiæ dirime-
rentque confeſſum, ſed diuini iudicij recordationem
intima cogitatione complecterentur. Iſta per litteras im-
perator illis significauit.

Quomodo pias cum populis tum episcopis, litteras subinde
ſcripferit. CAP. XXIII.

Alia item infinita his ſimilia ſcripſit, vixque dici po-
tent, quot & quam multas epiftolas exarauit: inter-
dum Epifcopis, ea que ad ecclesiārum Dei commo-
dum ſpectabant, præſcribendo: interdum etiam cum ip-
ſa multitudine per litteras colloquendo, & ut beatum
debet, ſingulos ē populo, fratres & conſeruos appellan-
do. Cæterum iſta ſeparato opere tractare, cum ſatis
ſuppetit otii, commodius erit, ne præſentis historiæ tan-
quam corpus medium incidatur.

Quomodo Hieroſolymis, in ſancto ſervatoris noſtri reſurreciōnis
loco, templum exiruendum mandauerat.

CAP. XXIII.

His rebus ad hunc modū constitutis, aliud quoddam
opus maximè memorabile apud Palæſtinorum gen-
tem diuinus iſte imperator efficere aggreflus eſt.
At quodnam quęſo ſanctissimum illum ſalutaris Christi
reſurreciōnis locum Hieroſolomis, existimauit ita à ſe
refur-

illustrari debere, ut omnibus eximius & veneratione dignus videretur. Idcirco mandauit in eo statim templum constru:ne que istud opus aggredi absq; pulsu diuino, imò vero ipso seruatoris spiritu incitatus, in animum induxit.

Quomodo sepulchri Christi memoriam impii, puluere ac sordibus adaggeratis tollere studuerunt, Veneris quoque sacrario ibidem extrecto.

CAP. XXV.

Olim enim viri impii, imò vero istorum subsidio vniuersum dæmonum genus, omni studio inceubuit, ut illud diuinum immortalitatis monumentum tenebris obrueret obliuioneq; penitus deleret. Ad quod quidem Angelus è cœlo delapsus, luminis claritate resul gens, non solum lapidem reueluebat ab illis, quorum amici instar lapidis obduruisserent, verum etiā quem ipsi inter mortuos adhuc versari putabant, eum mulieribus vivere annuntiauit, & ad vitam & resurrectionem illius, qui querebatur, illustrandam, incredulitatis lapidem ab eorū mentibus amouit. Istud seruatoris sepulchrū impii quidē & scelerati homines ex hominū memoria delere cogitant, & (quæ eorū inscītia fuit) censem̄t veritatē ad hūc modum se posse occultare. Itaq; primū permultū capere laboris cœperunt in terra aliunde & extrinsecus inuchēda, qua locum vniuersum obducerent. Deinde cum molē terræ in immēsam altitudinē erexissent, constrauissentq; lapidibus, diuinum sepulchrum, ingente aggere supra injecto, obregere. Post cum nihil iam illis ad opus explendū deesset, super illum terræ tumulum, nefandum reuera & execrabile bustum animarum construere, & recessum lasciuæ Veneris dæmoni vnā edificare, simulachrisque mortuis completere: tum detestabiles ibi victimas super impuras aras & omni nequitia labe pollutas immolare. Nam non aliter illud, quod instituerant, se putabant ad exitum posse perducere, quam ut per ista nefaria scelera, salutare illud sepulchrū penit⁹ obruerēt. Verū miseri illi neutiquā illud poterant intelligere, quod sol ipse (modo terrā suo splēdore collustrare, & cōsuetū sibi cursum in cœlo obire pergeret) nō posset preclarū illud facin⁹

Mm 2 Christi

EVSEBII DE VITA

Christi, qui contra mortem tam eximia victoriæ trophæa fuisset adeptus, ita in obscuro relinquere, illudque vniuersum hominum genus prorsus celare. Imò vero salutaris & diuina huius rei potentia ac virtus, quæ non corpora, sed animos hominum, maximè solet illuminare, suæ lucis fulgore vniuersum orbem terrarum compleuit. Verum tamen impiorum & nequam hominum molitiones contra veritatem paratæ, longinquò temporis spatio processerunt. Nemo enim vel ex præfectis, vel ex ducibus, vel ex ipsis imperatoribus ad eorum conatus euertendos satis idoneus repertus est, præter vnum solum: qui quidem, vt pote deo omnium gubernatori charitus, & diuino eius afflatus spiritu, locum illum, qui est supra demonstratus, per fraudulentos hostium conatus omni impura materia obductum, & obliuione ignorantieque obrutum iri, non passus est: neque authorum eius facinoris cessit malitiæ, sed Deo adiutore inuocato, illam terræ particulam hostium scelere contaminatam, in primis perpurgari iussit: quam quidem censuit admirabili & singulari Dei Opt. Max. beneficio per illum potiri debere. Confestim igitur eius mandato machina menta ad homines in errorem inducendos comparata de sublimi ad solum prosternere, & ædificia falso cultui consecrata, vna cum statuis & dæmonibus disturbare diruereque cœpit. Neque his rebus gestis alacre imperatoris studium acquieuit, sed de integro dedit mandatum, ut materia eorum, quæ erant deiecta, siue lapidea illa esset, siue lignea, tolleretur penitus, & quam logissime extra loci fines eiiceretur. Cui quidem mandato rei exitus planè respondebat.

Quomodo Constantinus quisquilias & aggeres que in dæmonis fano habebantur, illinc quam longissime proiici præceperit.

CAP. XXVI.

NEQUE satis habebat imperator in istis solum rebus expediendis progredi, sed rursus diuini numinis instinctu impulsus, iubet ut ipsum solum ad ingentem altitudi

altitudinem defossum (quippe impura dæmonum contagione infectum erat) foras procul cum ipso aggere exportaretur.

Sepulchri sancti sanctorum in lucem emersio

CAP. XXVII.

Quod è vestigio effectum est , simul atque verò , solum terræ oppletum sordibus , egestum fuit , & aliud solum , id est , locus ille monumenti ex abditis terræ sedibus eminebat , ipsum etiam venerandum & sacrosanctum salutaris Christi resurrectionis monumentum , præter omnium spem vñā emersit , & sepulchrum , quod meritò sanctissimum appelletur , resurrectionis seruatoris aptè propterea expressit effigiem , quod post tenebrarum caliginem , quibus quasi sepultum iacuisset , in lucem denuo prodit , & illustrem sane miraculorum ibi editorum visum (qui reuera omni voce clarius , seruatoris resurrectionem testificatus est) sub aspectu eorum , qui ad illud ipsum contemplandum veniebant , subiecit .

Quomodo de extruendo templo , tum ad orientis præfectos ,

tum ad Macarium episcopum literas miserit .

CAP. XXVIII.

His rebus ad hunc modum confectis , extemplo imperator non modo sacratis legibus sanciuit , ut templum augustum circa salutare illud antrum extrueretur , verum etiam subsidiis ad eam rem suppeditatis (quippe hoc opus longo iam tempore apud animum proposuerat , attentioreque cogitatione prospexerat , quod erat futurum) illud magnifice ac splendide exædificandum curauit . Gentium igitur præfectis orientem versus habitantium mandat , ut adiumentis necessariis abundantiter & copiose subministratis , opus eximium , amplem & magnificum fabricandum curarent . Quinetiam ad episcopum , qui id temporis ecclesię Hierosolimitanę præerat , tales misit literas , quales synceram ac salutarem de fide nostra doctrinam planè & apertis verbis complexe sunt ; sic enim scribit .

EVSEBII DE VITA.

Vctor Constantinus, Max. Aug. Macario S.

Constantini de exedificando templo seruatoris
ad Macarium epistola.

CAP. XXIX.

Tanta seruat is nostri erga nos benignitas declara,
ta est, ut nullam accurata dicendi ratio & vis sit,
que praesens miraculum pro dignitate explicare posse
videatur. Nam ut insigne illud sanctissimae illius passionis
monumentum, quod terrae visceribus abditum, totum
tamque multis annorum conuersationibus iam delituisse,
tum illuceferet seruis Dei, cum illi, hoste deuicto, in libertatem
essent vindicati, omnem profecto hominum admirationem longe superat. Etenim si omnes, qui in universi orbis terrae ambitu sapientes videantur, in unum locum congregati, aliquid pro rei dignitate dicere agrederentur, ne minimae huius parti, oratione ex aequo satisfacere possent. Miraculi enim magnitudo tanto plus
vniuersum humanæ rationis & naturæ captum vincit,
quanto res cœlestes & diuinæ humanis sunt valentiores.
Quapropter hoc unum mihi imprimis propositum sit ad dicendum, quod sicut vera fides se ipsa quotidie nouis miraculis patefacit, sic nostri omnium animi, omni mode, & concordi alacritate ad sanctas Euangelii leges contendas attentiores fieri debent. Præterea illud, quod cuique perspicuum esse arbitor, pro certo tibi cum primis persuasum velimus, hoc nobis præ ceteris rebus omnibus, maximè curæ esse, ut locus ille sacer, quem Dei iussu, turpissima simulachrorum mole, tanquam graui quodam onere imposito purgauimus, quenque & primis mundi temporibus, ipsius Dei iudicio sanctum habitum esse, & postea etiam, quia fidem passionis seruatoris tanquam è tenebris in lucem euocarit, multo clariorem sanctitatis suæ significationem dedisse cognouimus, præclaræ ædificationum structura exornetur.

Quod

*Quod templum hoc ceteris orbis ecclesiis, muris columnis,
et marmore, antecellere voluerit.*

CAP. XXX.

Par est igitur, ut tua prudentia ita opus disponat, & prouide res quaque accuret necessarias, quo non modo sanctuarium templi reliquis omnibus, quae vbiique sunt, pulchritudine antecellat, sed etiam ceterae eius partes tales sint, ut omnia templo, quae in singulis ciuitatibus primas tenent, huius ædificii dignitate longè supererentur. Ac de partibus erigendis, exquisitoque artificio perpoliendis, tum Draciliano amico nostro, qui nonnullas aliarum prouinciarum partes admiristrat, tum vestræ etiam prouinciae præfecto, scito cumram à nobis esse impositam. A nostra enim benignitate illis imperatum est, ut qui artifices, qui operarii, quae ue res aliæ fuerint ad illud ædificium necessariæ, à tua prudentia discant, ac statim ipsorum prouisione eo mittantur. Quod autem attinet ad columnas ceteras, uæ partes ex marmore conficiendas, quas ipse existimaueris vel ad decus illustriores, vel accommodatores ad diuturnitatem fore, cum eas quasi summatim tecum consideraueris, fac ad nos diligenter prescribas: ut cum ex literis tuis, quibus rebus opus fuerit, intellexerimus, vnde eadem illo comportari possint. Nam locus ille qui totius orbis terrarum facile primas fert, omnibus ornamentiis meritò illustrandus est.

Vt Macarius Constantinum de pulchritudine conchæ, iudicæ dices verò, quot artificibus ac qua materia opus effet, certiores facheret.

CAP. XXXI.

Testitudinem vero sanctuarii, laqueatam ne facere, an alio quodam fabricæ genere extruere placeat, abs te certior fieri velim. Quod si fiat laqueata, scitè quoque inaurari poterit. Restat igitur, ut tua sanctitas illis, quorum iudicio, ut supra dictum est, rem permisimus, quibus operariis, quibus artificibus, quibus denique sumptibus opus fuerit

M m 4

fuerit

EVSEBII DE VITA.

fuerit, quām celerrime significet: quinetiam nos, non solum de columnis, aliisque partibus ex marmore confiendis, verumeriam de testudinis laquearibus (si modo illud fabricæ genus pulchritudinis esse censeas) quām primum facias certiores. Deus te, frater charissime, diu seruet in colummam.

*Quomodo extructa saluatoris ecclesia noua illa Hierusalem
fortasse fuerit, quam tot retro seculis Propheta-
tarum oracula prædixerant.*

CAP. XXXII

Ista ab imperatore perscripta fuerunt, rerumque, nulla interposita mora, prosperè succedit euentus. Atque ad illud salutare Christi monumentum, noua Hierusalem ædificata est, è regione veteris illius, quæ hominum sermone iam diu celebrata fuisset, quæque post cruentam cædem domini ad extremam vastitatem prolapsa, pro impietate ciuium eam incolentium pœnas deridit. Imperator itaque huic ex aduerso salutare victoriæ Christi contra mortem comparatæ monumentum (quæ fortasse est recens illa & noua Hierusalem prophetarum oraculis prædicata: de qua vaticinationes pluribus verbis explicatae, plurima spiritus sancti instinctu, canere videntur) liberali & abundante sumptus magnificientia erigendum extruendumque curauit.

Descriptio exornationis sanctissimi monumenti.

CAP. XXXIII.

ET primum omnium sacrum antrum, diuinum illud videlicet monumentum, ad quod olim angelus fulgore enitens delapsus, spem regenerationis, quæ est à seruatore nobis illic ostentata, omnibus annuntiavit, primum inquam omnium, imperatoris magnificencia istud, velut totius ædificii caput, eximiis columnis illustrare, & ornatu splendido maximoque decorare, atque adeo variis cuiusque generis insignibus illuminare cœperit.

Amplissimi

Amplissimi sub dio regionis & porticuum descriptio.

CAP. XXXIII.

DEin de ad amplissimum templi locum libero cœlo patentem exornandum se contulit: cui & solum lapide eximio constratum, & porticus longis ambulationum spatiis ex tribus lateribus circundati, permultū decoris attulerunt.

Ecclesiæ augustissimi parietum opificii, elegantiæ, & inaurationis, descriptio. CAP. XXXV.

Aduerso autem lateri antri, quod solem orientem spectabat, regale & augustum sanctorium adiunctū fuit: opus planè eximium, ad infinitam altitudinem erectum, longitudine & latitudine immensa patens. Cuius edificii partes interiores, marmoris, versicoloris materia incrustatae: exterior autem parietum superficies politis lapidibus, qui commissuris quibusdam inter singulos interiectis colligabantur, exornata, singularē quandom pulchritudinis speciem, eamque non minus ad asperum illustrē, quam si marmore obducta fuisset, præbuit. Quod autem ad ipsa testa in sublimi posita attinet, exteriores eorum partes plumbea obtexit materia, quæ tanquam firmum munimentum, tempestuosos imbres depelleret. Interiores vero celatis laquearibus affabré inter se compactæ, & tanquam quoddam vastum pelagus, per uniuersum sanctuarium, coagmentationibus quibusdam inter se continenter coharentibus, diffusæ dilatataeque, & fulgente auro passim cooperatae, totum templum, velut lucis claritate mirè illuminarunt.

Geminarum virinque porticum, & valuarum trium ad orientalem plagam spectantium descriptio.

CAP. XXXVI.

Dvibus porticibus, partim subterraneis, partim supra terram eminentibus Xysti gemini ex utroq; latere adiecti, ad longitudinem sanctuarii porrigebantur: quorum testudines erant auro insigniter, & vario artificio illustratae. Ex quibus, alter à fronte inferioris templi columnis ingentibus suffulciebatur: alter intro spectans,

Mm 5 substra-

EVSEBII DE VITA

substratis postibus, magno extrinsecus ornatu decoratis, ergebatur. Tres portæ ad orientem solem aptè & eleganter dispositæ, multitudini ingredientiū patuerunt.

*Hemispherii columnarum duodecim & craterum
descriptio. CAP. XXXVII.*

Istis ex aduerso erat fornix dimidiati vniuersi cœli ciri culi speciem adumbrans, in summo sanctuario in orbem ductus: quem duodecim columnæ seruatoris apostolis numero pares, tanquam coronam cingebant, crateribus ex argento confectis circa fastigia cōcine expolitæ: quas imperator Deo illic pro monumento pulcherrimo dicauit.

Portarum atriensium exedrarum & vestibulorum descriptio.

CAP. XXXVIII.

Inde ad introitus pro templo locatos accendentibus area patuit. Erant inibi utrinque, primo atrium, deinde porticus, ad extremum atrienses portæ: post quas in ipsa media platea à foro eo deducente totius edificii vestibula perpolite constructa, iter illac facientibus admirabile visu spectaculum, quod rerum intus fabricatarum pulchitudinem quodammodo monstrabat, exhibuerunt.

De multititudine donariorum.

CAP. XXXIX.

Istud vero templum, quo tanquam testimonio salutis domini resurrectio illustris & nota siebat, extruxit imperator: & quo totū illud magnifico & regali ornatu decoraret, insignibus, quæ oratione explicari nequeunt, & monumentis auri, argenti, & lapidum pretiosorum materie distinctis, & quasi depictis, quæ erant numero sc̄re infinita, adornauit. Quorum apparatum, tum magnitudine, tum multitudine, tum varietate, denique adeo artificiose elaboratum, sigillatim iam oratione persequendi otium non datur.

De ecclesiarum erectione Bethlehem & in monte olivari.

CAP. XL.

Eodem tempore, cum alia duo loca, quibus duo abdita & quasi mystica antra multum honoris & dignitatis

tis afferebant, repperisset, ea magnifico apparatu, sumptuque cohonestare instituit. Ac primum illud, in quo primum seruator noster diuini numinis virtute in carne apparuit, honoribus decenter affectit: deinde alterum, quod fuit eius in cœlos ascensionis monimentum, in summo montis vertice situm, præclaris ornamentis illustravit. Atque ista tam splendide decorauit loca, quo matris suæ memoriam, quæ tantum benignitatis hominum vitæ detulisset, immortalitati commendaret.

*Imperatrix Helena Constantini mater profecta Bethlebens
orandi causa, has ecclesias fabricari curauit.*

CAP. XL I.

Illa enim, cum Deo hominum gubernatori debitū pietatis & affectionis munus impertire in animo habebat, & pro filio suo, tanto & tam præclaro imperatore, proq; liberis eius Cæsaribus Deo charissimis, suis ne-
potibus gratias per preces agendas esse putaret, & tate iā
ingrauelcente, singulari quodam cōsilio & prouida ani-
mi cogitatione vereque regia adducta, properè, instar
adolescentulæ venit, tum sacro sanctam terram oculis lu-
stratura, tum gentes orientem incolentes, plebemq; pa-
riter ac populi multitudinem conspectura. Ac postea
quā locis, in quibus seruatoris erant impressa vestigia,
debitam venerationem adhibuerat, idque conuenienter
prophetico sermone dicenti (adorabimus in loco ubi
steterunt pedes eius) pietatis suæ monumenta, qui-
bus post se relictis, posteris hominibus prodestet, statim
fabricari aggreditur.

Psal. 132.

*Rursus de ecclesia quæ Bethlehem & in monte olivarium con-
struxa est.* CAP. XL II.

Nam deo, quem adorauerat, duo dicauit templum:
quorum alterū edificauit in monte, ubi ascenderat,
alterum ad obscurum illud antrum nativitatis eius.
Etenim nobiscum Deus in terris nasci (locus autem il-
lius nativitatis proprio nomine apud Hæbreos Be-
thlehem appellatur) pro nobis sustinuit: ac propterea
impe-

EVSEBII DE VITA

imperatrix sanctissima Deiparæ partum eximia monimentis exornare, & sacrum illud antrum variis cuiusq; generis insignibus illustrare studuit. Imperator autem paulo post eundem locum ornamentis regalibus honore, & monimentis ex auro & argento, variis aulæis matris suæ magnificentiam adaugere cœpit. Rursum eius mater quò omnium nostri seruatoris in cœlos ascensionis memoriam celebraret, excelsa quædam ædificia in monte Oliuarum extruere parat: ac primum in summo totius montis vertice sanctuarium ecclesiæ Dei erexit, templumque inferius, etiæ ex ædificauit in eo ipso antro, in quo ut vera & sacrata Dei testantur eloquia, discipuli & apostoli à seruatore omnium arcanis mysteriis initiati fuerunt. Imperator quoque ibidem variis monumentis & insignibus regem magnum Deum, veneratus est. Ista igitur duo templo, memoria perpetua celebranda, augusta, & eximia in duobus obscuris quasi antris & mysticis, Helena Augusta pii Imperatoris pia mater, suæ pia mentis tanquā indicia, deo seruatori fundauit, filio suo ei opere regiam suam potentiam & autoritatem porrigente. Itaque illa, neque adeo multo post, præmia digna laboribus reportauit. Nam cum iam planè grandis esset, inq; omnium bonorum affluentia, omne vitæ suæ tempus ad extremam usque senectutem obiisset, & tum verbis, tum rebus ipsis veros pietatis fructus, quos præcepta seruatoris præscribunt, extulisset, atque ita vitam suam florem & expertem cuiusq; molestiæ, valéti corporis simul & animæ virtute transfigisset, deinceps eximum pietatis suæ exitum, & præclaram recte factorum à Deo remunerationem, etiam in hac vita consecuta est.

De excelsa animi magnitudine & beneficentia Helena.

CAP. XLIII.

Porrò autem dum regiarum episcopatu magnificencia instructa, omnem orientem peragrat, cum uniuerso populo quasque ciuitates incolenti simul, tum priuatum singulis eorum, qui ad ipsam accedebant, infinita munera largita est. Infinita etiam ordinibus militibus, quasi plena manu distribuit. Quæ vero pauperibus, omnibus rebus nudatis, omniq; ope & auxilio destitutis di-

Nota præmium, sci licet filii prosperitatem.

tis dispertierit, vix enumerari possunt: quippe in alios
grādem pecuniarum vim cōferre, aliis corporis integra-
menta prolixē & largiter suppeditare, vinculis eripere
alios, alios tum laboribus in metallis effodiendis affi-
ctatos, tum fraude & iniuria oppressos liberare, denique
ab exilio alios in patriam reuocare dignata est.

Quomodo religiose versari in ecclesiis Helena solita est.

CAP. XLIII.

Quæ quidem, licet eiusmodi rebus esset insigniter nobilitata, alia tamen in deum pietatis munera minime neglexit. Nam vbique cernebatur, in ecclesiā Dei intrare, templaq; splendidis exornare monumentis, inque q̄des sacras, vel in minimis vrribus extructas, suam benignitatem ostendere licebat, prēterea eam & decoro eximioq; apparatu admirabilem, videre s̄pē versari cum multitudine, & verum cultum erga Deum omnibus piis vitæ officiis declarare,

Helena octogenaria cum esset condito testamento moritur.

CAP. XLV.

DEmum vero cum naturam satietae viuendi expli-
uisset, & ad meliorem statum euocaretur, octogeni-
mumque ferè ætatis suæ annum confecisset, & ad
extremum vitæ exitum propè venisset, decreuit secum,
statuitque corām imperatore filio suo, vnico principe
mundi potentissimo, huiusque liberis Cæsaribus, nepo-
tibus suis, testamentum suum facere, & sigillatim nepo-
tibus suis quæ sibi in toto orbe terrarum suppeterent,
facultates dispertire. Quibus rebus ad hunc modum cō-
stitutis, suo filio tanto tamque eximio imperatore, ei ipsi
præsto assistente, sedulò inferuiente, & manus illius te-
nente, finem ita viuendi fecit, vt beatissima quidem, iure
optimo, non mori prudentibus videretur, sed vitam ca-
ducam & fragilem, cum cœlesti & æterna reuera conmu-
tare. Animus igitur corporis compagibus solutus, ad
immortalem & angelicam naturam, atque adeo ad ipsum
seruatorem assumptus est.

Quam

EVSEBII DE VITA

Quām magnifice matri iusta fecerū Constantinus, & quanto
dum illa viueret in honore habuerit.

CAP. XLVI.

E Ius autem tabernaculum splendidis exequiis deco-
ratum. Nam maxima satellitum turba ad ciuitatem,
quæ principem locum tenet imperii, deportatum
fuit, ibique regali sepulchro conditum. Sic igitur impe-
ratoris mater diem suum obiit: quæ quidem est immor-
tali planè memoria celebranda, non modo propter pia
vitæ officia, sed etiam propter eximium illud & admira-
bile germen ab ipsa editum (Constantinum dico) quem
quidem, cum ab cæteras res omnes, tum ob pietatem in
parentem & procreatricem suam, beatum iudicare par-
est: qui illam cum iam antea pietate minime esset imbu-
ta, ita piam reddidit, ut à primo tempore ætatis ab ipso
communis omnium seruatoris ore instituta fuisse vide-
retur: ita etiam honore regio exornauit, ut cum apud
omnes gentes, tum apud eos, qui aliquo gradu militari
collocati essent, Augusta, & imperatrix nuncuparetur,
aureaque numismata eius imprimenterentur effigie. Iam
vero thesauro regio pro arbitratu vtendi, proq; animi
sententia, & ut sibi cōmodissimum fore putaret, singula
libere dispensandi, filius ei liberam fecit potestatem, quō
etiam in his omnibus eam & splendore eximiam, & am-
plitudine admirabilem efficeret. Quare inter ea, quæ ad
eius memoriam illustrandam faciant, ista etiam non sine
causa repetita sunt: quę dum propter singularem pietatis
præstantiam in matre colenda exercebat, præcepta etiam
diuina, quæ honorem parentibus decenter impertiendū
tradunt, accurate expluit.

Quomodo Constantinus ecclesiis ædificatis Constantinopoli
omnem simulachrorum cultum sustulerit.

CAP. XLVII.

A Tque ut ista præclara & eximia pietatis munera, quę
diximus, Imperator apud gentem Palæstinorum est
hoc modo executus, sic in omnibus prouinciis ec-
clesias nouas extruxit, easq; effecit prioribus longè præ-
stabiliores.

stabiliores. Ciuitatem autem ipsius nomine nūcupatam, eximio splendore illustrare instituens, permultis templis, hoc est præclarissimis ecclesiis in honorem martyrum, illustrissimisque ædibus sacris adornauit, quæ partim in suburbibus erant, partim in ipsa vrbe, quibus tum martyrum celebravit memorias, tum ipsam vrbum martyrum deo cōfescravit. Ad summam, cum sapientia diuina esset imbutus, ciuitatem quam sui nominis appellatiōne donandam statuerat, primum omni eidolorum cultu perpurgari debere censuit, ut nusquam in illa vel statuæ eorum, qui dii putantur, in templis honoratae, vel altaria impura cruxis contagione inquinata, vel hostiæ ignis incendio penitus exustæ absumptæ q; vel festa demonum nomine celebrata, vel aliud quicquam eorum, quæ apud superstitiones usurpari soleat, omnino apparerent.

De insigni crucis in palatio, & Danieli in fontibus.

CAP. XLVIII.

Videas etiam adhuc, licet, apud fontes in medio foro positos pastoris præclaris symbola, illis qui sacris literis eruditæ sunt satis cognita. Danielem quoq; cum leonibus in ære incisum, auriq; laminis splendescensem. Tantus item & tam diuinus amor imperatoris animum complexus est, ut in ipso palatii introitu, in ædificio omnium excellētissimo, in medio recti laqueari inaurato, in tabula maxima explicata, salutaris passionis insigne, ex lapillis preciosis cuiuscq; modi, auroq; multo, politè elaboratis confectum, figendum curauerit. Istud imperatori sanctissimo regni firmū videbatur esse propugnaculum.

Quod Nicomedia, & in aliis ciuitatibus ecclesiæ fabricauerit.

CAP. XLIX.

His igitur ornamenti suam ciuitatem illustrauit. Vrbem autem, quæ in Bithynia facile primas fert, pari ratione ecclesia magnifica & insigni, monumenti loco, sumptu ex suis thesauris suppeditato honorauit: ibique seruatori suo contra hostes & ad-

EVSEBII DE VITA

& aduersarios Dei, præclara victoriæ erexit trophyæ. Ciuitates item, quæ apud cæteras gentes videbantur, vel maximè propter splendorem excellere, templis egregiis magnificisque exornandas curauit: sicut ex præcipua vrbe totius orientis, quæ nomen traxit ab Antiocho, constare poterit. In qua tanquam in ciuitate illius gentis ac regionis primaria, ecclesiam tum propter amplitudinem, tum propter pulchritudinem maximè eximiam Deo dicauit: quippe vniuersum templum longis porticibus extrinsecus adiectis circundedit: sanctuarium autem interiorius ad infinitam erexit altitudinem: quod quidem ad speciem solii octangularis fabricatum, multis ædicolis exedrisque vndique constructis, compluribus item tabulatis super terram eminentibus, denique fornicibus subter eandem abditis, ex omni parte circumsepta fuit. Quam etiam permagna auri ærisq; copia, & reliquæ pretiosæ materiæ ornamentis decorauit.

Quod apud querum Mambre ecclesiam fieri iussit.

CAP. L.

Ista quidem erant augustissima templa ab imperatore hactenus consecrata. Verum, ut audiuerat ipsum seruator, qui nuper in mundo versatus fuisset, etiam olim sanctis viris ex Palæstina propter querum Mambre (sic enim appellabatur) Diuinitus apparuisse, ibi quoque Deo viso templum exedificari mandat. Gentium ergo prefectis imperatoris voluntas per literas ad singulos scriptas significata est: quæ eos admonuit, ut quod esset imperatum, illico ad exitum perduceretur. Nobis etiam, qui hanc historiam literis mandamus, epistolam accuratius scriptam misit. Cuius exemplar, mihi consertaneum videtur huic præsenti sermoni adnectere, quod imperatoris sanctissimi studium & diligentia plenius intelligatur. Proinde quo liberè pro his, quæ gesta accepterat, nobiscum expostularet, ista totidem verbis prescripsit.

Victor

Vitor Constantinus, Max. Aug. Macario & ceteris Pa-
lestinae Episcopis s.

Constantini de Mambra literæ ad Macarium, & quod
ibidem seruator noster Abraham visus sit.

C A P. LI.

Es hoc vnum maximum meæ sanctissimæ sollicitudinæ erga vos beneficium, ut quorundam nefandorum hominum amentiam, quæ hactenus apud vos in obscuro latuerit, per literas vobis significem: quò licet quidem serò, necessario tamen, erratum segnitie negligit, diligentia rectè probeque corrigatur. Per magna enim profecto impietas est, vt loca sancta nefandorum scelerum maculis contaminentur. At quidnam est, fratres charissimi, quod cum vestram solertiam præterierit, mea etiam, quam dixi, sollicitudo propter obseruantiam, qua deum veneror, possit silentio prætermittere? Locum, qui, propter quercum Mambre dicitur, in quo Abrahamum domicilium habuisse cognoscimus, variis modis à quibusdam superstitioni deditis inquinari ferunt. Idola enim, quæ nullo non vastationis genere dele ri debent, in illo erecta esse, & altare prope locatum, & imputas victimas sine intermissione immolari. Quapropter cum illud & ab imperio nostro alienum, & indignum loci sanctitate videatur, vestram grauitatem certiorem fieri velim, à nobis per literas Acatio illustrissimo comiti, amico nostro significatum esse, ut absque cunctatione, & idola, quæ in loco prædicto reperta fuerint, ignis tradantur incendio, & altare sedibus conuulsu evertatur. Quinetiam neminem non, qui post nostru mandatum aliquid impietatis in huiusmodi loco audeat admittere, suppicio coercendum statuimus: quem sane locum decreuimus eximia templi structura adornare, ut confessus, dignus sanctis viris in eo deinceps existat. Quod si quicquam contra hoc mandatū cōmitti acciderit, par est, ut absque mora nostra clemētia per vestras literas certior fiat, quò nostro mandato qui illud violasse deprehensus fuerit, summo afficiatur suppicio. Non

Non enim

EVSEBII DE VITA

enim ignoratis illuc primum deum, omnium rerum rectorem tum apparuisse Abrahamo, tum cum eo sermonem contulisse. Illic etiam primum sacrosanctæ legis cultum & obseruationem initium habuisse. Illic primum ipsum seruatorem cum duobus angelis seipsum clementer & benignè Abrahamo ostendisse. Illic deum cepisse ab hominibus videri. Illic prædictasse Abrahamo de semine suo futuro, ac confessim promissum præstitisse. Illic prædicasse eum plurimarum gentium patrem futurum. Quæcum ita sint, æquum est, meo quidem iudicio, vestra cura ac diligentia prouideri, vt tum locus iste purus & integer a labe conseruetur, tum ad pristinam reuocetur sanctimoniam, quo aliud nihil in eo præter cultum Deo omnipotenti, moderatori omnium, & seruatori nostro decorum consentaneumque peragatur. Quod quidem studiose & decenter à vobis obseruari conuenit. Siquidem vestra grauitas, sicut mihi pro certo persuasum habeo, ea quæ cum vero cultu & religione in primis cohæret, alacri studio explere desiderat. Deus vos, fratres charissimi, in columnes seruet.

Eidolorum delubra cum statuis undique deruuntur.

CAP. L I L.

Ista omnia imperator ad salutaris Dei virtutis gloriam illustrandam perficere admodum elaborauit; hocque pacto non solum seruatorem suum magno affectit honore, verum etiam superstitionem gentium errorem, omnibus modis coarguit. Itaque quorundam delubrorum vestibula, eius mandato in quaque ciuitate nudata, portæque dirutæ. Aliorum tectum cum laquearibus, regulis ablatis, deturbatum. Aliorum insignia monumenta ex ære fabricata (in quibus veterum error longo iam temporis spacio se insolenter iactasset) in foro Ciuitatis imperatoris nomine nuncupatae omnibus palam proposita, ut intuentium oculis pro turpi spectaculo subiicerentur. Hic Pythius, illic Sminthius, in ipso circulo tripodes delphici. Heliconides Musæ in palatio. Quinetiam eadem ipsa ciuitas impetratoris nomine, uti modi dixi, appellata, tota

tota simulachris, quæ erant apud quasque gentes diis consecrata, & ex ære artificiose elaborata, passim refer-
ta fuit. Atque his ipsis simulachris deorum nomine ere-
ctis, quibus homines erroris morbo oppressi, infinitas hecatombas, victimasque igne crematas frustra obtulis-
sent, seroque tandem sapere didicissent, tanquam ludi-
cris rebus ad risum iocūque spectatorum imperator v-
sus est. In statuis vero aureis aliam quandam viam & ra-
tionem secutus est. Nam ut primum intellexit multitudi-
nem, instar stultorum infantium, illas erroris tanquam
laruas ex aurea argenteaque materia effictas, temere ex-
timescentem, eas ē medio penitus tollendas, velut lapi-
des ante pedes incedentium in tenebris ad impingen-
dum projectos putauit: viamque regiam, quę plana &
æquabilis est, omnibus in posterum patefaciendam.
Ista igitur animo complexus, non armata manu, aut in-
genti exercitu ad has res corrigendas sibi opus esse, sed
vnum & alterum ex illis quos spectatos habebat, ad hoc
munus subeundum satis habere virium arbitratus est:
quos vna eademque authoritate donatos ad singulas
gentes misit. Illi autem tum singulari imperatoris san-
ctimonia, tum sua ipsorum in deum pietate freti, per me-
diam plebem, perque medium populum multitudine in-
finitum proficiscentes, in singulis urbibus, regionibusq;
errorem longinquo tempore inueteratum omnino
profligarunt: ac primum ipsos idolorum sacerdotes ma-
gna cum irrisione & turpitudine suos ipsorum deos ex
tenebricosis recessibus in lucem proferre mandarunt:
deinde exteriore illorum effigie delecta, etiam interio-
ris formæ colore obductæ deformitatem ante oculos
omnium statuerunt: tum illis abrasis, materiæ partem, quę
videbatur, habere aliquid bonitatis, fornace & igni pro-
barunt, eamque referuarunt in tuto collocatam: quæ ve-
ro vilis erat, & ad nullam rem utilis, superstitionis ad
memoriam suæ turpitudinis largiti sunt. Porro
autem hoc quod sequitur, non multum huic dissimile,
ab isto imperatore admirabili, gestum fuit. Post-
quam vero simulachra mortua ex præciosa materia,
conflata, ad hunc modum, quem dixi, expoliauerat;

N n 2 reliqua

EVSEBII DE VITA

reliquas ad perpetuandam hominum memoriam eretas,
quæ ex ære fabricatae erant, aggressus est: deosque, quos
veteres fabulæ celebrant, funibus ex pilis contextis
constrictos abstrahendos curauit.

*Dæmonis fani apud Aphacos, gentem scilicet Phœnicie
euercio, & turpitudinis ibidem abolitio.*

CAP. LIII.

PRÆTEREA regio suo obtutu, tanquam clara face accensa, sedulò lustrauit, ne vllæ erroris reliquiæ vspiam delitescerent. Quemadmodum enim aquila in superiora aeris loca subuolans, res in terra longissimo interuallo ab se distantes acutissime cernit: sic iste dum in regali palatio, quod in præclara illa vrbe ab ipso ædificata situm est, versabatur, ex eo, velut è specula periculosum quoddam rete, quo animæ hominum illaqueabantur, in gente Phœnicum latitare dispexit, nemus videlicet, & delubrum turpi & flagitioso Veneris dæmoni dedicatum, non in media aliqua ciuitate, non in foro, non in plateis (vt multa, quæ in vrbibus ornatus gratia magno splendore decorantur) sed extra semitam, extra triuia, extra viam publicam, in summo vertice montis Libani inter arbusta collocatum. Erat tanquam schola quædam nequitiaiis, qui erant libidini dediti, quiq; nimia licentia corpus labefactauerant suum corruperantque. Nam quidam molles & effeminati viri, non viri reuera, pudore prorsus exuto, instar mulierum turpissima contagione se ipsi inficientes, dæmonem placabant. Scelerati præterea & nefarii mulierum congressus, clandestinæ falsorum connubiorum corruptelæ, infanda & turpia facinora in eo delubro, vt pote in loco impuro & fœdo admissa erant. Nec quisquā fuit, qui in hæc scelera animaduerteret, propterea quod ex viris graubus & honestis nepo illuc audebat accedere. Verum imperatorem eximium turpia facinora illic edita latere non poterant. Quibus quidem regia sua prouidentia indagatis eritisque, indignum censuit, vt solis splendor eiusmodi delubrum intueretur. Proinde vniuersum illud cum ipsis

sis statuis & monumentis funditus deleri iussit. Extemplo igitur imperatoris mandato machinamenta, quibus petulans & lascivus error propugnabatur, penitus everfa sunt. Quippe militum manus loco purgando operam nauauit. Qui autem ad hoc vsque tempus luxuria difflixissent imperatoris minis perterriti, continentiam deinceps modestiamque colere didicerunt. Non dissimili ratione etiam superstitionis Gentiles, qui erant opinione sapientes, re ipsa suam ipsorum inanitatem animaduertere cuperunt.

AEsculapii apud AEGAS demolitio.

CAP. LIII.

Vbi namque error eorum, qui inter Cilices sapientes videbantur, in demone ibi colendo longius serpuit, infinitis super eo tanquam conseruatore & medico propterea in admirationem traductis, quod interdum dormientibus apparuit, non nunquam egrotantium corpora morbis releuauit (erat hic sine dubio animorum corruptor, quippe qui homines incallidos à vero seruator abstraxisset, & res verisimiles efficiendo ad impiam peruersitatem rapuisse) imperator, qui deum zelotem, verè seruatorem sibi ad defensionem semper proponebat, istud delubrum deiici soloque æquari mandauit. Ac res illa admiranda, nobilium philosophorum celebrata sermonibus, quæ latebris abdita, non dæmonis, neque Dei, sed erroris cuiusdam speciem, plurimis & diuturnis temporum curriculis, hominum animos in fraudem illicientis, perspicue representauit, solo nutu & significatione, manu militari disturbata, humique prostrata iacuit. Qui enim Deus alios malis eripere, calamitate leuare simulauerat, non magis iam remedium ad sui propagnationem reperire potuit, quam cum, ut in fabulis est, fulmine percussus interiit. Verum præclara officia, quæ in hac re imperator noster ad Dei gloriam obiit, non inter fabulas numeranda sunt: siquidem illustri & testata ipsius seruatoris virtute, delubrum illud radicibus sic euersum fuit, ut insanæ amentiæque, quæ

*Vid. soz
zom. fol
23. a.*

*Aescula
pius.*

*Aescula
pius.*

N n 3

illuc

EVSEBII DE VITA

illuc antea oberrauerat, ne vestigium quidem iam reli-
ctum esset.

*Quomodo gentiles damnatis simulachris ad co-
gnitionem dei conuersi sunt.*

CAP. LV.

EX omnibus igitur, qui ante illud tempus se supersti-
tione obligassent, cum errorem suum patefactum
& perspicue refutatum oculis cernerent, cumque
delubrorum & statuarum ubique vastitatem re ipsa in-
tuerentur, alii ad salutare Dei verbum se toros confer-
re, alii, licet non illud ipsum agerent, patriam tamen &
auitam inscitiam improbare, & quos olim Deos
existimauerant, risu & ludibrio insectari cuperunt. Ac
quidem, queso, ita in animum inducerent, cum immen-
sam illam nequitiam interius latenter, exteriore quadam
statuarum specie obductam satis manifeste perspiceret.
Aut enim extictorum cadaverum ossa, exiccateque
caluæ versutis præstigiatorum dolis callide obiecta, au-
fordidæ laceratæque vestes horrida & impura fœditate
farcitæ, aut congeries ex foeno & stipula collecta sub-
erant. Quæ cum in simulachra inanima congesta con-
spicarentur, vehementer & suam, & patrum suorum a-
mentiam incusarunt: præsertim cum plane intellexissent,
neminè in illis abditis recessibus, aut in ipsis statuis, vel
dæmonem, vel ariolum, vel deum, vel vatem, sicuti sibi
antea persuauerant, tanquam habitatorem residere: imo
vero ne obscurum quidem & umbratile spectrum super-
esse. Quapropter illis, qui erant ab imperatore ad id ne-
gocii delegati, ad omne obscurum antrum, omnemque
latenter & apertum recessum facilis patebat aditus.
Quinetiam adyta, ad quæ accedere fas non erat, & inti-
ma sacraria pedibus militum protrebabantur, adeo ut
mentis cæcitas, quæ longinquæ temporis spacio vniuer-
fos Gentiles occupauisset, horum opere & labore per-
spicue deprehensa, in omnium oculis desigeretur.

Quomodo

*Quomodo Constantinus Heliopoli statua Veneris solo equata, pri
mus omnium ecclesiam construxerit.*

CAP. LXI.

ATque ut ista imperatoris preclare recteque factis accepta referri debent, sic ea quoque, quæ particula-
tim apud singulas gentes ab ipso erant administra-
ta: ut illud, quod Heliopoli Phœniciae factum est. In qua
vrbe nonnulli obsecrānam & libidinosam voluptatem
pro dea venerantes, simulatione religionis, vxoribus &
filiabus stupri admittendi facultatem, nulla habita podo-
ris ratione concederunt. Cæterum iam lex noua, ple-
na modestiæ & castimiñiæ ab imperatore promulgata
est, quæ iubet, ne quis eorum, ullum flagitium ibi more
positum usurpatumque deinceps audeat committere.
His rursus documenta scriptis mandata, proposuit, qua-
si fuisset ob hanc causam potissimum à Deo missus, vt
omnes homines temperantiæ legibus institueret. Quam-
obrem non est dignatus cum his per literas suas fami-
liariter colloqui, eosque cohortari, vt se ad Dei opt.
max, cognitionem mature transferrent. Atque in eo lo-
co etiam eius dictis facta verè & appositi responderunt:
quippe apud istos etiam templi amplissimi fundamenta
iecit, ita ut quod ab omni seculorum memoria non sit
auditione acceptum, hoc iam ipsa re perfectum esset: ni-
mirum ut ciuitas eorum, qui superstitione fuissent occa-
cati, dei efficeretur ecclesia, præsbyteris, diaconisque
compleretur, & episcopus deo omnium rectori conse-
cratus, illis præsideret. Præterea imperator animo sedu-
lo prospiciens, vti quam plurimi ad Dei verbum se con-
ferrent, ea, quæ ad subleuandos pauperes pertinebant,
copiose suppeditauit. Atque hac ratione ad salutarem
Philip. I.
Christi disciplinam eos se properè recipere impulit,
verbis ferè cum Paulo dicente consentiens: siue
per occasionem, siue per veritatem Christus annun-
tietur.

EVSEBII DE VITA

De tumultu propter Eustatium Antiochiae suscitato.

CAP. LVII.

Verum interea temporis, cum omnes vitam iucundā degerent, & ecclesia Dei passim apud omnes gentes, omni ratione esset tanquam in sublime sublata, rursus inuidus dæmon, qui rebus solet honestis insidiari, ob tantam bonorum prosperitatem ad bilem commotus est: ac quoniam suspicabatur, ipsum imperatorem nostro tumultu, & perturbata omnium rerū confusione exultatum, ab alienato animo in nos futurum, idcirco dissensionis face accensa, ecclesiam Antiochenorum sic tragicis dilacerauit calamitatibus, ut parum abesset, quin vniuersa ciuitas funditus fuisset excisa. In duas enim factiones populus ecclesiæ diuisus est: quippe plebs, magistratus, & milites praesidiarii, more hostium, usque eo concitati fuerunt, vt si non quædam Dei prouidentia, metusq; ab imperatore ipsorum animis incussum, multitudinis impetus cōpressisset, & iterum eiusdem lenitas, instar conservatoris & medici animorū, orationis suavitate illis, contentionis morbo diuexatis, medicinā attulisset, gladios ipsi in se mutuō distrinxissent. Quapropter ex illis viris, qui & propter virtutem satis spectati erant, & propter præstantiam honore comitum affecti, vnum fidelissimum legatum misit, quod lenius & benignius cum populo ageret. Literisq; eos hortatus est, vt in eas res, quæ ad pacem inter ipsos mutuō facerent, attenta cogitatione incumberent: quin etiam quo pacto pietatis officia decenter exequerentur, perdocuit, persuasit etiam illis, imò per literas ad eos scriptas deprecatus est, vt ipse seditionis causam audire possit. Quas quidem literas (quæ & singularis doctrinæ plurimum, & utilitatis non minus continent) si non calumniæ notam, his qui erant in crimen vocati, invisisse videri potuisse, in præsentem historiam contulisse. Quocirca istas missas faciam, quippe cum malorum memoriam minime refricandam putem: easque solū, in hunc sermonē includā, quas quidē imperator, vt pote ex hominū cōcordia permultū animo capiēs voluptatis, prescripsit: in quibus Antiochenos cohortabatur,

VII

ut episcopum alterius ecclesiæ, sub quo pacem facerent,
appetere neutquam in animum inducerent, sed ecclesiæ
instituto & more, eum sibi deligerent pastorem, quem
communis omnium seruator illis cōmonstraret. Ad po-
pulum igitur Antiochiæ & episcopos, separatim quæ se-
quentur epistolas scripsit.

Victor Constantinus, Max. Aug. Populo Antiocheno. S.

*Constantini ad populum Antiochenum literæ, ne Eusebium
Cæsaria abstraherent, sed alium quererent.*

CAP. LVIII.

Intelligit
hanc epi-
stolā &
alterans
quæ se-
quitur
epistolā
eam quā
scripsit ad
Eusebiū.

Vesta concordia aliis omnibus, qui consilio & sapi-
entia multum pollent, pergrata futura est, tu mihi
in primis, qui partim lege diuina, & vestra pia vitæ
ratione, partim vestris erga me studiis prouocatus, vos,
fratres, sempiterna benevolētia complexus sum. Et cum
hoc sit reuera verum à rebus honestis fructū percipere,
nimis ut in omnibus, quæ quisque molitur, recta &
integra animi cogitatione vtatur, quid quæso est, quod
tantoperè vobis possit conuenire? Nec cuiquam mirum
videatur, si veritatem vobis dixero, quæ amicitiam po-
tius erga me, quam odium in vestris animis parere de-
bet. Atque inter vos fratres, quos una eademq; animo
rum affectio synceraq; mens, recto itinere quasi digito
demonstrato, ad Deum ducit, & in puram sanctamque
eius ecclesiam, velut ciues ascribit, quid præstabilius esse
poterit, quam ut cum omnes res vobis prospere, & ad vo-
luntatem fluant, concordiam & animorum tranquillita-
tem egregie amplexamini: idque maxime cum & diuinæ
legis disciplina vestram voluntatem ad vitam rectè ho-
nesteq; moderandam impellat, & nos tam vehementer
expetamus, vestrum iudicium sic ratione confirmare, vt
de omnibus rebus verè syncereque decernatis. At for-
tasse vobis nonnihil videtur afferre admirationis, quid
tandem hoc orationis meæ initium voluerit. Idcirco
causam illius dicendo explicare nec recuso, nec inficio.
Fateor equidem me literas quasdam perlègisse, in quibus
ex illustri laudum ac testimoniorum præconio, quo tan-

N n 5 topere

EVSEBII DE VITA

opere extulisti Eusebiū episcopum Cæsariorū (quem etiam ipse eruditio nis, & modestia causa plurimi faciendū iam diu existimauī) plane anima duertebam, vos magno studio erga illum incendi, & velle libenter eū vestre urbis episcopum constituere. Quantū putatis me animo agitasse, quam curam ut vestro studio satisfactū esset suscepisse, dū ad optimum virum conquirendū, qui vestrum episcopatū capesseret, accurata cogitatione incumbere. Te o fides alina (quæ quidem ex verbo & Doctrina servatoris, tanquam exemplar sanctæ sincereque viuendi nobis proponis, quæque etiam peregre vitiosis hominibus, ipsa resisteres, si non tua virtus talis esset, ut nullo modo potestatem cuiquam facias, ea ad quæstnm perditæ abducendi) te, inquam in hac causa testem cito. Mihi sane is potissimum in hac controuersia victoriā consequi videbitur, qui pacis & concordiæ studio flagrat maxime: quippe cum neminem reperias, qui non ex pace, ubi eam nihil indecori afferre putet magnam animo capiat oblationem. Proinde ictud à vobis quæsto, fratres, ut quoniam pro cupiditate rerum à nobis expetitarum explenda, aliis etiam è fratribus ignominiae & contumelie nota inulta est, idcirco deinceps illa conseuumur, quæ fidem nostram omni suspicione & infamia penitus liberet. Ego vero quanquam hominem, qui à vobis & tantis honoris ornamentiis decorandus, & tanto amore ac benevolentia complectendus iudicatur, laudo plurimum, tamen ecclesiæ canon, qui singulis ratus & stabilis debet manere, non ob eas causas infringendus aut debilitandus est, ut singulorum sententiis separatim satisfactum sit, & yniuersi, quod expertant, assequantur: sed in ancipiū & controuersa disceptatione, in quā viri huius virtutes cum aliorum comparantur non unum sed plures liberè, quid sentiant, eloqui oportet: propterea quod cum honores ecclesiastici in eo loco & status sint, ut in illis mandandis nihil insit, vel perturbationis vel discordiæ omnium suffragia similitate sunt, & ex æquo omnino expertenda. Neque profectò rationi consentaneum est, ut propositum vestrum susceptumque de Eusebio deligendo consilium, præ*iudi-*

iudicium contra alterum fiat: quippe cum nulli, siue abie-
 ctores illi sunt, siue illustriores, qui syncere & ex animo
 similiter diuina præcepta ac disciplinam approbant ob-
 servantq; vlla in re per communem eiusdem disciplinæ
 legæ, aliis inferiores putari debeat. Porro autem, si id quod
 planè verum est, ingenuè fateri volumus, concedendum est
 necessario, quod Eusebiū nō ipsius voluntate vobis acqre-
 re, sed vi potius à Cæsaria abducere conamini: quod pro-
 fecto violentiæ potius est, q; electionis legitimæ. Atq; siue
 isto modo, siue secus multitudo sentit, ipse liberè & auda-
 cter affirmare audeo, hæc rē nō leuē & exiguum tumultū il-
 lū quidē excitaturā, sed eā contentionis subministraturā
 materiā, quæ efficiet, ut vnum vestrum alteri crimina ob-
 iectare magnopere laborauerit. Nam perinde facitis atq;
 oues, quæ cum ob consuetam pastoris curationem, per
 negligentiam ad deteriorem partem prolapsam, prioro
 educatione destitutæ sunt, fruges vastare, & ita perspi-
 cue quid dentium suorum natura & vis valeat, ostende-
 re solent. Quæ num ita se habeant, & nos neutiquam o-
 pinione fallamur, vestrum est, fratres (multa enim &
 magna ipsa prima deliberatione animis vestris se offe-
 rent) vobiscum diligenter considerare. Ac primum om-
 niū ecquid de ingenio & mutuo inter vos amore, detra-
 ctū videatur? Deinde quod qui consentientibus hominū
 prudenter de ipso deligendo deliberantiū, suffragiis ad
 episcopatus dignitatem ascendat, diuino iudicio veros
 ex ea fructus percepturus est, atq; adeo non vulgare be-
 neficium propterea consecuturus, quod vestro omnium
 cōsensu illustre probitatis testimoniu sibi tributū habe-
 at. Postremo, vt vos, sicut vestræ cōsuetudinis est, a qua
 & incorrupta mente in homine conquirendo, qui vobis
 opus fuerit, diligētē operā nauatis, omni seditioso & tur-
 bulento tumultu compresso. Nam tumultus semper
 iniquus esse, & ex odiosa variorum hominum inter se
 comparatione, non scintillæ exiguae, sed magna in-
 uidiae incendia excitari solent. Verum ut tandem
 finem dicendi faciam, ita Deo placeam, & ita ve-
 strum caussa, vti optatis, vitam mihi suppetat, sicut
 & vos anno & tranquillum pacis quasi portum in quo
 animi

EVSEBII DE VITA

animi vestri conquiescant, vobis exopto: ex quo portu ;
sordibus seditionis præteritæ eictis, pacato mentis sta- ,
tu concordiam in earum locum inducite: vexillū quoq; ,
firmæ dilectionis, in nauigio animorum vestrorum eri- ,
gite: & cursum cœlestem ad lucem æternitatis, guber- ,
naculis, vt ita dicam, ferreis robustisque rectum tenete. ,
Atq; ea ratione illud integrum & incorruptū deinceps ,
fore putatote, quod discordia erat anteā labefactatum. ,
Nam sordes seditionis, quæ nauem antè propè corrupe- ,
rant, vniuersæ ex animis vestrīs, tanquam ex sentinā iam ,
spero exhaustæ sunt. Quocirca iam consilio prouidete, ,
vt is rerum omnium status sit, vti nihil in posterū, quod ,
ex vſu ecclesiæ non sit, in consulta & vana contentionē ,
vel suscipiatur, vel ratum fiat. Deus vos, charissimi fra- ,
tres, seruet incolumes. Imperatoris epistola ad nos de ,
Episcopatu Antiocheno à nobis repudiato.

Vitor Constantinus, Max. Aug. Eusebio. S.

Constantini ad Eusebium literæ, quem laudat quod Antio-
chiam recusauerat. C A P. LIX.

E pistolam tuam legi diligentissime, ex qua ecclesiæ ,
canonem exquisite abs te seruatum intellexi. In his ,
namque persistere, quæ Deo grata, quæq; traditioni ,
apostolicæ consentanea videtur, permagnæ pietatis est. ,
Ac sic putato, te in hoc ipso plane beatum, quod totius ,
(propè dixerim) orbis terrarum testimonio dignus iudi- ,
catus sis, qui vniuersæ ecclesiæ episcopatu perfungaris: ,
& huic tuæ felicitati reuera quasi accessionem adiun- ,
ctam, quod omnes ea tui cupiditate ducantur, vt te ve- ,
lint esse apud se. Porrò abs te prudenter sane factū est, ,
quod & domini mandatum apostolicumque ecclesiæ ca- ,
nonem seruare decreuisti, episcopatum ecclesiæ Antio- ,
chenæ prorsus repudiando, & in eo episcopatu fungēdo ,
permanere laborasti, quem ab initio Dei voluntate susce- ,
pisses. Hac de re literas dedi cum ad populum, tum ad ,
alios ecclesiæ ministros: qui quidem de eadem etiam ipsi ,
scripserant ad me, suamq; sententiā declarauerant. Quas ,
quidem literas, cum tua sanctitas perlegerit, facile intel- ,
liget,

liget, me cum iustitia ipsa illis contradicere videret, di-
uina quadam impulsione ad eos rescriptisse. Quorū con-
cilio tuam interesse prudentiā opus est, vt hoc quicquid
sit negocii, in Antiochena ecclesia, recta ratione transi-
gatur. Deus te, frater charissime conseruet.

*Victor Constantinus Max. Aug. Theodoto, Theodoro, Narciso,
Aetio, Alpheo, & ceteris episcopis, qui sunt Antiochiae s.*

*Constantinus scribit ad Synodum, ne Eusebium Cæsaria
auellant.* C A P. L X.

LIteras à vestra prudentia ad me scriptas perlegi, &
prudens Eusebii collegæ vestri institutum ac senten-
tiam in eisdem à vobis declaratam admodū appro-
bavi, quæq; gerebantur omnia, partim ex vestris, partim
ex Acacii, & Strategii clarissimorum comitum episto-
lis cognoui. Ac cum rationem accurate mecum iniuissem,
ad populum Antiochenum, quid Deo acceptum, quidq;
ecclesiæ consentaneum foret, epistola scripsi: cuius ex-
emplar his liieris subiungendum præcepi: vti vos intel-
ligatis, quid tandem ipse iuris æquitatisque causa addu-
ctus, ad populum Antiochenum scripserim. Ac quum li-
teræ vestræ hoc complectebantur, vt cum populi tū ve-
stro prudenti consilio & instruto, Eusebius, sanctissimus
Cæsariensis ecclesiæ episcopus, Antiochenæ præsideret
ecclesiæ, eiusque curam susciperet, oportebat & Eusebij
literas, quæ decretum ecclesiæ maxime obseruare vide-
batur, & meam simul sententiam vestræ prudentiæ ostendere.
Et quoniam Euphronius presbyter ex urbe Cæsa-
ria Capadociæ ortus, & Georgius Arethusiorum itidem
presbyter (quem Alexáder ad presbyterii ordinem Alex-
andriæ euexerat) viri propter fidei integritatem planè
spectatissimi, ad me forte fortuna venerunt, idcirco re-
ctum videbatur, vt non solum hos, qui sunt ad episcopa-
tum petendum designati, sed alios etiam, quos vos ipsi
ad episcopatus honorem capessendum dignos iudicaue-
ritis vestræ prudentiæ significare, vti decernatis ea, que
cum apostolorum traditione penitus consentiant. Qui-
bus hominibus vobis iam oportune & commodè suppe-
ditatis,

EVSEBII DE VITA

ditatis, vestra prudentia ex ecclesiæ canone & traditione apostolica ita vestram poterit electionem moderari, uti ecclesiastice disciplinæ ratio præscribit. Deus vos fratres, chari diu seruet incolumes. Ista cum imperator, ecclesiarum præsidibus præcipisset, hortatus est, ut omnia ad laudem diuini verbi illustrandam exequerentur.

Quomodo studuerit hereses extirpare.

CAP. LXI.

Postquam ecclesiam Dei, sublatis è medio discordiis, in tranquillo statu collocauerat, inde digressus, aliud impiorum hominum genus, tanquam latens venenū, humanae vitæ paratum, comprimentum censuit. Iste corruptores quidam erant, qui honestatis specie & simulatione ciuitates labefactabāt. Eos vero pseudoprophetas, & lupos rapaces seruatoris vox diuinitus vaticinando nuncupauit ad hunc modum: Attende à pseudoprophetis, qui venient ad vos in vestimentis ouium, intus autem sunt lupi rapaces: à fructibus eorum, cognoscetis eos. Edictum igitur Imperatoris, quod ad prouinciarum præfectos missum fuit, vniuersum illud hominum genus grauiter insectatum est. Et præter ipsum edictum, imperator etiam salutarem admonitionē illis ipsis proposuit, hortatus admodum, ut mature resipiscerent. Nam afferuit illos ecclesiam Dei salutis portum habere, quo se reciperent. Attende ergo quo pacto per literas cum illis sermonem contulerit.

Mat. 7.

Victor Constantinus Max. Aug. Hereticis.

Constantini contra hereticos edictum.

CAP. LXII.

Cognoscite iam per legem hanc, quæ à me sanctissimis nō coniunctis, o Nouatiani, Valentianii, Marcionistæ, Paulianii, quiq; Cataphrigum nomen usurpati, & omnes id eoz authoris omnino, qui per conspirationes à vobis conflatas, hæc de factis reses & sectas etiam atque etiam augere conamini, cognosc-

cognoscite inquam quibus mendaciis vestræ doctrinæ
inanitas implicata teneatur, & quatenus pestiferis qui-
busdam venenis vestra usque eo inficiatur disciplina,
ut per eam integri ac valentes ad morbum, vini autem
ad sempiternum interitum abstrahantur. O veritatis
inimici, hostes vitæ, internecionis authores & consi-
liarii, omnia apud vos veritati contraria, turpibus
consentientia maleficiis, ineptis, & commentitiis fabu-
lis exultantia. Quibus certè mendacia struitis, pre-
mitis infontes, fidelibus veritatis lucem denegatis.
Nam falsa visione & specie pietatis semper delin-
quentes, omnia contagione vestra contaminatis con-
scientias integras & labe vacuas lethalibus plagis vul-
neratis: ipsum diem, pene dixerim, hominum oculis
adimitis. At quid attinet singula persequi, cum de
vestris flagitiis, sicut eorum natura postulat, dicere
neque temporibus angustia, neque occupationes, qui-
bus districti sumus, finunt. Nam scelera vestra adeo
grandia, adeo immensa sunt, adeo etiam turpia &
omni crudelitate redundantia, ut dies integer ad ea ex-
plicanda non sufficeret. Imo vero ab huiusmodi re-
bus aures abducere oculosque auertere conuenit, ne
singulorum explanatione, sincera & incorrupta fi-
dei nostræ professio commaculetur. Quid ergo? pa-
tiemur ne eiusmodi malorum contagionem longius
serpere? præserim cum longa dilatio faciat, ut sanæ ac
valentes ea tanquam pestifero morbo inficiantur? Cur
igitur non cum maxima celeritate eiusmodi prauitatis,
ut ita dicam radices, animaduersione & poena publica
amputamus?

De tollendis locis illis, ubi conuentus hereticorum celebrari consueuerant. In Hereticos
CAP. LXIII. editio

Atrisque quo ista vestræ pestis pernicies longius
grassari impediatur, per hanc legem mandamus,
ne quis vestrum post hac conuentus cogere au-
deat. Et propterea etiam iubemus ut vniuersæ ædes
vestræ, in quibus congressus illos celebrare consueuistis,
penitus

EVSEBII DE VITA

penitus euertantur: & hæc cautio eo vim suam porrigit,
vt non modo non in publicis, sed ne in priuatis quidem
ædificiis, aut in locis vllis separatis, huius vestræ super-
stitione amentiæ factiones coeant. At vero, quod multo
præstabilius est, si qui vestrum verè & syncerè religionis
curam habeant, ad catholicam ecclesiam reuertantur, &
eius sanctitatis sint participes, per quam poterūt ad veri-
tatē peruenire fraudulenta vestræ peruersæ mentis astu-
tia, hoc est, scelerata & perdita hæreticorum & schisma-
ticorum seditio, omnino ab hac prospéra temporū no-
strorum conditione seiungatur. Nostræ enim prosperæ
ac beatæ vitæ rationi qua Dei beneficio fruimur, est ad-
modum consentaneum, vt qui ætatem bona spe susten-
tam degant, ab omni vago & cœco errore ad rectam
viam à tenebris ad lucem, ab infœtia ad veritatē, à morte
denique ad salutem traducantur. Ac quo prouisio, hæc
in curandis erroribus robur & firmitatem sibi necessa-
riam assequatur mandauimus, vt supra dictū est, vt om-
nia superstitionis vestræ loca, in quibus conuenire so-
leatis, omnia dico hæreticorum templa (si modo templa
appellare conuenit) sine recusatione aut controuersia
diruantur, & diruta, absque mora catholicæ tradantur,
ecclesiæ: reliqua loca publico reip. ypsi addicantur, ne
vlla in posterum vobis conuentus celebrandi relinqu-
tur facultas. Sit igitur hoc ratum statutumque, vt post
hunc diem in nullo loco vel publico, vel priuato, nefarij
vestri conuentus in vnum coire audeant.

*Quomodo complures heretici, post nepharios apud ipsos libros
innuentos, ad ecclesiam catholicam redierint.*

CAP. LXIII.

AD hunc modum occultæ quasi latebræ & recessus,
æorum, qui alienam ab ecclesia catholica doctrinam,
& opinionem tenebant, imperatorio edicto euoluti,
patuerunt: bestiæ etiam immanes, quæ huius erant im-
pietatis authores exactæ. Ex illis verò, qui essent isto-
rum impulsu in fraudem & errorem inducti, alii impera-
toris minis perterriti, fallaci & fucata specie in ecclesiâ
obrepere

obrepere cœperunt, temporum conditioni callidè & dissimulanter cedentes: ac quoniam lex hominum libros perscrutari iusserat, tandem manifestò deprehensi fuetunt hi, qui vetitas & interdictas illas artes ad hominum perniciem comparatas consecrati fuissent: qua de re omnibus, ut dicitur, opibus viribusq; elaborabant, ut simulatione sibi salutem adipiscerentur. Alij fortè ad spem, quæ in Deo opt. max. poni debet, vero & ex animo se transferre. Quos, cum ecclesiarum presides accurate internoscere studerent, alteros ouium pellibus ostectos, adumbrata specie se insinuare conantes, procul amandarunt: alteros vero, qui idem integra & incorrupta mente instituerent, ubi temporis longinquitate explorando, de illis fatis exquisitè periculum fecissent, in multitudinem ascititorū ascripserunt. Hoc modo cum illis, qui alienam ab ecclesia opinionem & doctrinam sequebātur, actum est. Alios autem, qui dum in eorum dogmatum disciplina versabantur nihil concepissent impietatis, sed schismatricorum culpa se temerè à communi ecclesiæ congregatione & frequentia se iunxit, abiecta omni cunctatione in ecclesiam recenterunt. Hi igitur gregatim, tanquam ex Colonia reuertentes, suā recuperarunt patriam, & ecclesiam matrem agnouerunt. A qua diu aberrantes, cum gaudio & lætitia ad eam redierunt, membraq; communis corporis fuere in vnum coagmentata & concordia quasi compagibus firme copulata: Solaq; catholica Dei ecclesia in se coalescens, tum resplenduit, cum nusquam gentium vel hæreticæ vel schismaticæ factionis vestigium reliquum quidem esset. Cuius præclari facinoris causam, imperator Deo (cui solus ex omnibus imperatoribus qui aliquando extitissent curæ erat) acceptam planè retulit.

Tertij libri finis.

Quo EV-